



懷野吳公傳

宮諭彥履楊公傳

友人朱國盛  
敬韜父較梓

陳眉公先生全集卷之三十九

華亭陳繼儒仲醇父著


男夢蓮古澹父

夢草山賢父

孫仙覺天爽父全纂


宗伯兼宇林公傳

公諱堯俞字咨伯學者稱爲兼宇先生莆田上林人也海內屬指稱世家如龍門史例者獨閩莆田林氏最林之先出自汲郡晉永嘉南徙入閩至唐二十七



代端州刺史公葦兄弟九人俱領州牧入明代有簪  
纓嘉靖甲午間領鄉薦令瓊山擢南寧郡丞曰應采  
東臯公生子焯章萬曆癸酉領鄉薦歷官湖廣按察  
司僉事備兵湖北以平播功受欽賞擢比部副郎晉  
楚臯曰季臯公兩公俱以子貴贈資政大夫太子少  
保禮部尚書兼學士舉丈夫子四長卽公生有貴徵  
五歲島夷躡入莆公數徙匿不及警冥冥中若有呵  
護焉少從季臯公受書丙夜讀不輟吳夫人脫簪珥  
以給饘粥雖朱門實蓬戶也弱冠出試受知於督學

趙端簡公二十有二雋於鄉十年孝廉閉戶好修己  
丑成進士讀書中秘授編修凡累代掌故以及經史  
百家言日會萃而討論之期見之行事不願飾章繪  
句與子墨家角一日之長奉命與修正史直起居注  
理誥勅例有贊幣悉謝却曰奈何襄王言而輕史  
局教習內書堂乙未分典禮闈得當代知名士冊  
封益藩饗餽無私交至京充東朝講讀一切榮  
差同館躍冶者捷欲羶得之公恬夷不以屑意徊翔  
幾十年始量移宮坊贊善尋且乞省覲歸又未幾奉




吳夫人季臯公諱卽服闋仍堅卧不出丙午少宰止菴楊公亟起公原官擬典京闈試公戒毋疾驅撤棘始入都丁未轉左諭德兼侍講禮闈領房避族兩孝廉應試辭不與是年主考武闈戊申拜南祭酒詞林不欲南而公得之獨喜曰吾先人嘗爲國子先生吾視兩司成如天上人今往踐其席寧不足耶至則慈規條謹繩尺三舍士望標遵軌相慶得師俎豆于江夏郭公南昌劉公之間公故少宦情甫三月請告歸杜門却掃益肆力于文章筍輿燕舫其水某丘不遺

一赫蹏郵輦上貴人秉筆郡乘月旦精核有良史風倡修學宮不費公帑而巍煥異于平時凡可造福桑梓者條上便宜惟力是視十四年如一日也 熹廟初起公禮部右侍郎視司成事控辭不允旋轉左還部尋拜尚書入朝面恩班行中望見公皆咄咄彈指嘆曰此先朝甘盤舊臣麟鳳出矣在部如 郊祀


幸學 殿工 陵寢 冊號 選婚貢舉諸大典禮

悉出公裁定復與諸司叅酌調行之有請託冒濫者引 祖制以杜倖門峭鯁明辨屹然山立 光廟實




錄成擬進 御製序有云金騰無圭璧之祈靈藥寡  
賸眩之効文微而旨直詞婉而多風權貴聞之不喜  
已選闈逾額公力爭曰非 祖宗恣願垂履霜之戒  
母啓旁落之端便嬖惟供乎使令繼述允成于大孝  
魏璫大恚云林尚書豈無意綸扉何遠張拳相向耶  
及奉命會同選擇巨璫援故例欲據中座公預戒胥  
史移置兩偏中設篆案璫堅執如初公正色云公等  
雖寵冠掖庭然曩日不選自禮曹始耶璫氣奪而罷  
李選侍擬進封號公曰 皇八妹未婚姑緩之使朝

鮮李暉詭稱國母命幽廢李綜毛帥代爲之請舍綜  
而王暉朝議東事急宜姑從毛帥牽制之公謂屬國  
擅廢不臣且遠聽効尤其漸不可長檄使發勘以大  
義詰責之竟懼伏莫敢動西虜入貢門者小璫受其  
賄縱之闖出都城比入城格勿納又縛之虜噪露刃  
窘辱主客郎公馳一介索縛虜叱使歸衆立解散  
懷冲太子之誕也魏璫與客氏合謀幾叵測時有雨  
電黃靈之變公曉以古今順逆報應璫有悚動泣下  
者居中調護逆折邪萌其事秘而公之用心良苦矣



慶陵之役公上下山坂周行營度雪韞霜鞞罔惜勞  
勩及上幸太學祀南郊凡一時扈蹕諸寮填壅不  
得前上每佇立以待公其後頒曆祀冊以至召對  
傳宣皆咫尺天顏親承睿獎公堂堂正正委委蛇  
蛇天子屢爲屬目改容前後出尚方禁鬻法醜朱  
提文綺之賜絡繹邸舍中廷臣所不敢望也光廟  
實錄成加太子太保子玉子廕予三代告身乙丑當  
知貢舉銘盤銘几公姪也避嫌上疏乞骸骨溫旨  
慰留不聽微聞枚卜列名時兩魏從中排擠公求去


益力賜馳傳歸公自辛不涇不緇且得脫于鞢繼續  
弋之外始終遂成完璧瀕行語人曰璫燄方熾不燎  
原不止老臣卽謝事發杞方深涕從中落耳越丙寅  
季冬病薨正寢計聞兩臺會題長公禹復具疏陳請  
旋經部覆兩奉溫旨皆褒稱曰清醇曰宿學曰端  
品曰望重秩宗特遣官治域視葬賜祭九壇賜文  
簡上蓋其優厚三朝者碩舊臣可謂至矣公天性  
孝友敦篤同氣祖遺菟裘遜之仲弟僉憲公所築新  
居遜之兩幼弟郭外薄田尺寸無所增置衣浣食淡



與元配黃夫人白首相莊慎取予重然諾獎後進急  
貧交以恭儉繩肺腑親以清慎平恕訓子姓長公績  
學稱大儒砥行稱廉吏識者望而知其爲宗伯公闡  
淡之家風也著述若干卷藏于塾長公卽銘鼎萬曆  
庚戌進士任浙江布政司叅政



陳子曰文簡公位陟孤卿望懸揆席往往以未竟厥  
施爲公嘆余獨謂公爲 神廟之臣易爲 熹廟之  
臣難逆璫老魅飛而食人公明援典制陰折兇謀不  
敢以聲色加公又不敢以廢置生殺鉗勒公所憚有

汲大夫狄梁公在耳遇 神廟則平進遇 熹廟則  
早退脫有需比豈能恩榮始終金完玉粹如今日者  
乎宋禮部尚書倪思云與其爲有瑕執政無寧爲無  
瑕從臣文簡之謂矣今叅知公負節鉞重望顯揚文  
簡之令聞惇史氏方且大書直書揭中天而行日月  
何有于不佞謀野之言



少叅十峰殷公傳

公諱廷樞字執夫華亭人鉅野令舜石先生之子也  
自少以經術鳴試高等食餼名家爭延爲弟子師故  
海內無不知有殷執夫者晚又自號十峰居士云公  
戊子領順天鄉薦己丑成進士初拜南都車駕郎督  
草場課刷理積逋奸弁猾胥無敢宿食其中大司馬  
徵餉協輓朝鮮賴以不困公餘之暇日與陳子有葉  
叅之傳長孺諸公以標格氣誼相爭重子有賦金陵  
十子詩記之公其一也辛卯鉅野以訃歸跣而歸服





闕補繕部郎北上門之役節省水衡錢以萬計奉差歸省終唐宜人喪仍故秩入武選尋副職方叙功賜金幣握駕篆首裁關津郵符之費大司馬性方嚴鮮當意顧獨器重公公亦嶽嶽不爲屈當路欲進公爲銓曹公謝請外補擢河南僉憲分巡河北道當歲大侵稅礦之使旁午劇寇王好問聚惡少年戕殺官吏聲言掠汲郡且犯潞藩計不知所出公談笑授方畧殲其首惡釋餘黨不問上功令者首推轂公而公挹損如恒時曰河南爲畿輔左臂太行黃河之間素稱


賊藪若使人人習騎射脫有不虞朝發夕可制何至搶攘乃爾遂下令飭射圖集材官課之又招流亡給耕具歲墾田無筭暇則進郡子弟高等甲乙其文藝庚子登雋者遂倍往額是年晉右叅分巡大梁適陳子有以督學至相得益歡兩道士民有雙清之謠入賀抵家哭倪太君喪承重三年補闕省建南道感疾上牒乞休臺使者慰留不聽歸旣而奉賞捧便道歸里門決意掛冠不一載而竟以病歿歿之前手條遺令神爽不亂享年五十有四公性孝念鉅野君唐宜



人在遠每飯不忘執喪柴毀行營高敞不憚寒暑寡  
妹有女擇配名士與二仲居始終無間言故人屠文  
學無子爲經紀後事歲時餽問不絕其居官畱意律  
法滿洗屬吏平反枉獄最不喜刻急皦亢以市聲跡  
與之言非義事則聲色俱厲凜然有不可犯之色公  
父子折節恭儉尤以清白相師生產瘠薄而公亦簡  
淡自居凡世俗一切好詡好泰以浮華相高公儉首  
不屑也所居四座多懸置先正格言于書好讀名臣  
奏議及國朝會典對客冲夷寒暄道故不爲粉澤語

終身未嘗輕謁有司及失禮于隣里姻族去官而人  
民思之身死而親故無所怨議哭之皆哀郡邑長吏  
護植其子孫無使強有力者傷善人後蓋長者之論  
定矣


陳子曰公起家二十餘年又鉅野君後不克營一第  
垂五十買宅于余之東隣扶疾卧起其中者僅一載  
餘余每候公榻前公笑曰此身已乞丘壑若幸而得  
活當與君周旋桑榆之陰非墻頭過濁醪則相送柴  
門月色耳豈意此言遂成千古悲夫公由曹郎爲藩



大夫不奇言危行而天下服其節不垢衣敝履而天下服其清不拊耳嘔心而天下服其真實生不黠白簡沒不愧青史吉人哉邇來士大夫捃拾幾無所容鳳衰龍戰鮮終者寡公以冥鴻蚤放於繒弋之外卽不上年不上爵然身名則全璧矣此宿德耆老所不敢望也庸何悲


鄉賢新宇俞公傳

公諱汝爲字毅夫號新宇宋俞退翁之後退翁判西川劍南見知於蜀守趙清獻王介甫當國驛召爲御史抗章力辭自退翁至考功有任敷文閣學士俸門下侍郎澄四世皆未及年告老居吳興臨湖門迨宋兵起有道善始徙華亭號始興公三傳而至山月公允以春秋中洪武甲戌榜永樂 詔同姚廣孝纂修大典官禮部主事允生悅悅生倫倫生琳中應天鄉試官司理琳生緒緒生寅山封司馬郎舉五子長卽




公也母宋宜人三歲而母歿祖父親哺之從膝上授  
句讀稍長負雋聲隆慶辛未成進士拜德化令至則  
格捕盜賊縛渠魁釋攀染無賴惡少年散走各歸其  
處每斷獄不爲峻詆判決如流有收繫者給薪米周  
之田土訟至趣駕踏勘不使民間供辦一粟錄絕產  
金以代圖籍之費截歲餉萬石貯之義倉以備兵荒  
緩急之用不二年縣大治萬曆乙亥議築郭州堤公  
挺身任之爲繪圖條說以上適歲荒使者檄發饑民  
粟公令曰能操畚鍤從我堤上者倍犒之粟不足助

以贖鍰羨餘萬工輻輳數百丈新堤刻日告成中丞  
行部至大喜始以全堤責成公公自小池西岸抵德  
化嘴延袤三千八百餘丈疏山鑿石下竹爲榷壘小  
池口水門一區崇三丈門濶丈餘旱潦蓄泄民稱未  
頗本公條議力也丙子丁王太母艱服除補嚴州壽  
陽壽陽水衝射菑稔不寧公改疏河脉繞城而流邑  
人號曰俞溪俄調建德清吏編僉事起公以一人總  
攝三邑緣民情爲之不旬月告竣甲申改處州郡丞  
太守喻邦相司理周元孚得公把臂甚驩郡治僻簡




陶翁公先生集 卷之三十九  
多山水洞壑之奇暇則紆騶騎登眺觴咏望見者以爲三神仙王弇州艷之郵書曰公以高才骯髒世途尚滯半刺未沐全緋豈非直者之效耶日偃坐嘯軒與錦山相對有邦相元孚足以朝暮豈必問春明門哉公登第十七年其治狀又冠十一郡丞屈指啓事度無能前茅者中丞螯他語疑信叅半僅調南京駕部郎會天臺耿公官總憲南臯鄒公官刑曹倡道東南邀公入會相印可駕部職主乘輿侍衛及驛遞諸務而船政最稱浩煩國初額設風馬快船千艘夫役

幾二萬人永樂減及三百駐舶張灣日久漸弛僅僅爲內官進奉用甚則爲郎官籍入私橐用公議清虛詭洗別人以千計歲汰金錢粟帛以萬計又定造船之式及大修小修之式凡省直供輸軍戶赴役皆得還嘉隆故例疏下部覆載入職掌并勅吏曹紀錄此冬官一大快事也乃竟以此取尤任忌密構中之壬辰出公山東按察司僉事分巡兗州兼曹濮備兵公分督諸有司問水課農專務生養調停騶挽譏防干概請罷張秋稅局會島夷躡入朝鮮山東戒嚴大括




兵餉以防震鄰公曰朝鮮文弱晏安故外寇擣虛而入今以土著合援兵逸待疲主待客倭且求退不暇能飛而食肉哉若號召不逞之徒坐糜不貲之餉頭會歛怨祗自斃耳夫幾倭勢瓦解還釜山故巢而沿海疲於招募者無筭識者歎曰俞公真神人也履任纔十月中讒歸侍養九年補沁陽州守自汾以州爲府割沁隸焉隸八載饑饉相仍一切期會徵發登崇攀峻往反八百餘里受成於汾崎嶇莫可名狀公卽與當事反覆辨難卒復故隸沁賦單軍書狎至民

不堪命公爲四限以緩之長賦者爲九則以差之爲十朋以禪之爲謹權衡平斗甬以均之里魁監者膠拳奉行而已歲久早所部如焚公徒步赤日內立沛甘霖其疫癘比屋者募醫師懸方投治煮糜發廩鄉三老以時散歛之召流移贖妻孥給以牛種使復故業老稚婦女額手相慶如更生然時按使者汪公以冀南道疏請總河曾公以河道疏請銓曹亦以岢嵐道疏請皆不報而公適患痺疾堅意高臥矣去之日萬姓遮留迨抵家聞公病未瘳猶醮禱於神祠請於



兩臺建祠而後已公天性純孝祿養太公宛若童孺  
偶臥疾中宵露禱請以身代愛弟汝楫汝梅及其子  
如已出汝楫理學大儒憂時之意見於眉目公亦相  
對輦感彼此送難洞中情實卽當代名家莫能過也  
少習青島家言於建德改創學宮邑門邑橋於沁陽  
改石渠以注東流使障水不得南下凡可以蓄聚聚  
財培植風氣者惟力是視宦嚴州適有母喪遂卜葬  
於嚴士民輻輳會冢上呵護樵牧者迄今不絕山陰  
王文端公座師也當國本未定連疏力爭幾犯不測

公貽書勸之曰古之收功羽翼者得之調護不得之  
激烈文端罷相歸曰區區蚤力不能回天上負聖明  
下愧賢友且以同心知已遥謝公師友之間千里往  
復無一語及私其光明磊落如此少時下帷萃溪夢  
讀薛敬軒書入沁境徘徊公署見敬軒所書楮對在  
焉覺有冥數又修文中子祠祠諸門人其意表皆出  
簿書刀篋之外初令德化時江陵壻方丞鄰郡狎侮  
邑大夫公蔑視不爲禮丞厲聲問曰公非吾家相公  
所舉士耶公曰今日論吏治非叙通家也後以他事



至郡并供具悉裁之其人怨切骨中公考功法以去公雖三四左遷畧無憤懣怨悱之色海內賢者如李少保温中丞推轂勸駕無虛歲竟以末疾不起享年七十有一公淳實恭儉崇禮義絕玩好喜爲德於鄉與人交不設崖異亦不喜刻廉挑名戟手呵罵以博意氣者一矚踐履堅正氣象安和至於毅然有所不欲不爲其亦可謂三代之遺直已

陳子曰余聞之古語云人之紹續三五世必有一人肖其祖其命公之謂矣退翁忤荆公而善清獻公蔑

視江陵堦獨莊事王山陰鄒吉水其氣節同也子清歷官清介公所至飲水其清白同也山月公該覽國典廟彛韜鈴識緯水土平準之策下至九流百氏支離覆逆亡弗蒐討而公博學多聞策建儲策島夷策符離之必決沕河之當濬如指諸掌且又盡驗其經濟同也退翁祀魯山名宦公祠德安祠沁陽其尸祝同也山月公入楊廉夫陶九成社而公所交如邦相元孚瑯琊大美小美其騷雅同也山月公遇白鶴仙於酒肆而公與何玉崖李赤肚多微言密旨其方外






交同也惜其壽不躋太耄位不過下大夫經世出世  
百不吐一幸有子廷諤才名氣誼噪於江東以發皇  
公之所學其在君哉廷諤往來余峰拜山月墓下唏  
噓不忍去且欲合祠退翁始與諸先生於西余之麓  
而以公配余山鄰也猶得短衣白髮爲公洒掃祠宇  
有使者采風於此當出公傳跡之以備獻徵之一助

云


吏部郎念源丁公傳

公諱鳴陞字仲玉別號念源其先十世祖帖蘄產也  
卜遷霑化遂歷籍焉自帖至諱忠者舉孝廉爲饒陽  
令祠名宦鄉賢中忠生大司馬汝夔汝夔生懋正懋  
正生繼志懷柔司訓舉丈夫子三人公其仲也生而  
奇慧姿韻秀爽不修邊幅望之顛然自幼日誦數千  
言負聖童之目垂髫病癥結骨見衣表猶時時咕啞  
不少休甲辰從外家趙平谷父子遊才名歷曹耦間  
督學使李公叔元超擢冠軍丙午入闈幾及格而僂




失之益淬志下帷博綜古今秘籍屬文光明陸離讀  
者震駭心目壬子鄉榜亞魁癸丑成進士追念先司  
馬爲分宜所竄慷慨欲白沉寃識者止之而姑有待  
也乙卯謁選得固陵令固巖邑獷羯難治仕者規避  
莫敢前公曰俗囂當示以禮士窳當振以文首蒞學  
宮飭廟材而新之餼其師以訓子弟品題釐訓如家  
塾然廣闢雲路人文蔚起奪解而登賢書者五斌斌  
號稱得人丁巳歲凶道殣相望公設粥局以餉餓人  
憲檄二月止而公踰期至麥秋已未嚴寒公製絮衣

三百給散之皆出捐俸日所飲惟廉泉一勺耳講求  
水利凡蓮花塘白馬港長溝諸陂湖堰池疏通如法  
鋤剪市虎惡少年無少貸治尚簡要一切苛碎微細  
事付之鄉約平亭追呼不聞鬪爭立解人皆便之而  
又旌孝表節大闡幽潛邑於是廬墓者有割股者  
有鬻妻葬母者公賜之章服棹楔而激勸之鷹鷂之  
俗頓化鸞鳳矣東事驟起調募繁興公練閱有方遣  
行有法師出枕席而人不知薦剗至二十九上治行  
高等超擢銓曹瀕行時傾城涸巷而送之俎豆祠公



者迄今香火不絕天啓二年補稽勳司主政掌本司  
務理大選急選畫黃諸事十月轉司封理冊庫綜核  
封廕闡撥協宜癸亥轉考功摘發僞單慈贊大察茅  
茹脫距纖毫不爽六月署正郎事八月轉文選他副  
郎署攝篆者病不能任公一身而兼三人之勞勩夙  
夜在公人服冰鑑會 覃恩再封父母如其官十月  
聞外訃號跣奔喪哭聲達于道路每以未得躬親含  
衿爲恨讀禮三年謝絕燕會聲樂旣服除遠近有勸  
駕者異而謝之丁卯春逆魏薰灼司選者天中蘇許

州被嚴譴金壇太宰擬公啓事公聞之疾馳書告絕  
旁人皆哂公大拙大愚而公倔強如昔也未數月璫  
敗朝野始服公有先幾有卓識已巳冬虜薄都下蓮  
妖復起青濟間訛言逆帖蠢蠢煽動公捐貲糾募驍  
勇厲兵秣馬登城據埤屹然堅海上金湯賊聞有備  
卽解去保全生靈無筭請告里居不問田舍不納餽  
儀收族課農徵經彈史屏跡數椽之居八年湛如也  
庚午起司勳不踰月再晉司封正席拜 命之日念  
太夫人篤老願請終養時逆奴尚在遵永煌煌明旨



最嚴規避而太夫人勉以忠孝大義起束裝甚力公  
唯唯含淚而別回首白雲行行且止見者嘆其純孝  
而訝其不祥五月戒塗觸暑成疾朝見入署後 覃  
恩請封者如蝟公力疾應之卧床十餘旬尚執筆裁  
判而日昃已不起矣公子之算得公病耗兼程而行  
途中聞訃三號三絕泣盡而血繼之甚欲却粒以從  
地下遊左右勸諭之百端曰公子獨不念玉母老慈  
母病乎因勉進饘糜徵文於海內巨公名流爲不死  
公計公性簡約朴素屏去一切紛華好讀書著述每

當松風蘿月之下命酒一杯撫琴一弄哦詩一兩篇  
藝花竹憩園林有談俗諦時局者不應移他語置之  
捐館之日里人罷市停飲咨嗟嘆息共傷其無年而  
猶幸公子之賢而有後

陳子曰丁仲玉才當八百守潔四知爲名令爲名吏  
部夫復何憾獨其欲昭雪先司馬之寃而賁恨九原  
以及吾竊悲之當庚戌虜犯通州大司馬丁公汝夔  
大中丞王公忬皆不能曲事權倖以讒死王有弇州  
公兄弟累疏陳情公議大振若丁公負寃僅見於楊



忠愍上書再見於朱相國湧幢小品雖 穆皇帝賜  
復原官而卹典尚未全備也假令仲玉而在有筆有  
口又有男子血性何難爲高祖揭覆盆而耀天日哉  
志雖未就天意昭然王中丞之孫有罔伯丁司馬之  
孫有仲玉皆官吏部著才各上帝之報兩公不薄矣

太史緱山王公傳

公諱衡字辰玉號緱山吳郡太倉人萬曆朝元輔文  
肅公荆石子也自少英悟有奇表能納拳口中見者  
指爲貴徵十四以春秋補諸生好作古文詩歌秘匿  
之客以示文肅公口誦其才而心艷其藻江陵相奪  
情編修吳公簡討趙公彈劾之禍叵測文肅公時爲  
禮部侍郎率同志往見江陵拒不納因直造喪幕前  
語勁不能下江陵投袂入文肅公引裾畢其說江陵  
怒吳趙杖且戍文肅公泣而送之郊江陵歸治喪未



陳省公先生集 卷之三十一  
十一  
滿期九卿合疏起還朝文肅公擲筆不署名公聞之  
和歸去來詞以諷文肅公文肅公笑曰童子甫十四  
嗚嗚好大言虎乳三日氣欲吞牛可乎雖然伊膽不  
如我伊識勝我遂請省親歸與元美先生並栖城南  
靖廬公謁見多叩栖神導氣之旨卽經生言不數數  
也江陵歿 神祖卜相召文肅公于田間赴關留公  
南雍試顧涇陽先生貽書止勿應舉公報曰去取在  
主司利鈍在造物其何以懸知必中額而先爲引避  
地乎是科竟黜落遊西湖聞學憲和石公病篤急趨

還躬親藥膳紀綱後事多庀勅弔者聞其哭聲皆嘆  
學憲公雖亡不亡雖弗子猶子矣丙戌展覲道經泰  
山登絕頂夜半觀日出勒記一通以雄生平之觀戊  
子改入北雍拔順天舉首禮部郎高公疏中式可疑  
者八人公與焉文肅公力請先罷相而後覆試詞過  
激刑部郎饒公繼之 上賜杖公力救不獲免當試  
時卽命高公主巡徼九卿臺省與衛士數千人環目  
注射公信手立就傳閱其文不覺失聲嘆賞文肅公  
直心慙口遇觸輒發科場一事父子相信又果于信




天下之必我信抗疏卽上不容畱畱公嘗見文肅公云父爲大臣當爲國體爭不當爲一身小憤爭當爲善類辯不當爲兒子蒙垢辯文肅公矐目不肯應旋亦悔之曰兒言是兒言是已有旨准應試公謝不入策蹇入盤谷碧雲香山中悲歌長嘯而已明年文肅公疏請侍母還鄉上特旨慰留遣官馳傳護送其母文肅公謂此江陵故事辭不行踰三月公奉吳太夫人旋里第却艤符却騶從却公私筐篚水陸四千里呵噉寂然卽關吏津人物色公不得也及夏文肅

公賜假省覲 上手詔敦召爲首揆公乃隨文肅公而北局曲小室閉絕外交曰今日宰相若籍口姬公吐哺下士便類招權宰相之子若籍口范純祐夾袋薦人便同納賄此何地何時而敢輕見一人輕報一牘乎文肅公柄政八年謀慎不外泄恩施不責報干澤者遙相疑憚謂其不近人情而公之遠羶避膩似又過之附麗攀緣無着手處矣甲午文肅公解相印戊戌公始計偕試畢之次日疾馳歸而朱夫人病且殆公侍湯藥者四閱月旣歿一面治喪一面強顏拭



淚以慰文肅公憔悴幾無人理辛丑文肅公遣就會  
試中第二 廷試亦如之授編修先是 神祖嚴重  
文肅公書其名于 御屏題曰清正至是知公爲王  
閣老子喜見 睿容已捧 冊立詔馳諭東南四郡  
畢旋上終養疏且辭同館曰某于種種人間世浮榮  
浮譽如嚼蠟空花了無足道已矣今而後願乞草木  
之年永奉桑榆之日芸亭蓬室直以爲遠廬一宿而  
去之耳況高饒兩公久搞山澤其何意復戀春明門  
哉乙巳文肅公七十公撰杜祁公雜劇以佐觴訪求


同開布衣耆老延之上坐與文肅公同行班席爲竟  
日懽見者詫傳爲勝事是年援例請母宋夫人祭葬  
詔如令甲其後文肅公兩蒙 存問遣孫陳謝 闕  
廷初遣鳴虞次應時敏公轉遜國子生元爵代行  
賜中書舍人實欲推恩于同祖叔也居一年患頭疾  
醫不能療忽聞 神祖特命再起文肅公于政府勅  
使臨門勸駕交集公不能典客時時支床削牘以應  
之因擊几嘆曰三朝袍笏再世絲綸天道畏盈人情  
責備而況重以非常之命乎若天聽未回畢竟使老






者蹶爲朽株病者吐爲棄核父子交窮其將何策以謝蓮萼甚華而蒔甚苦此之謂也已而果如其言公病歿不踰年而文肅公亦且騎箕矣初文肅公內贊訃謨外叅庶務一切斷鼻胸懷絕不向邸第間片言語及公間一問故文肅公厲聲曰與汝書生何與公俯首惶怖而止獨薦用高饒兩公則旁贊甚力文肅公前後建儲四十一疏則又扁鑄甚嚴曰如鄒浩諫立劉賢妃焚其草人爲僞疏誣浩可鑒也公天性篤孝遠至荆谿西湖近至菰蘆村落無刻不奉父俱

文肅公笑曰兒妮而親我孰若遠而適我公曰大人俯仰獨兒一人牝戀乳去將安之耶公毋弟緘以武進士督漕漕艦壞貧病死子又夭亡爲捐金厚葬其父子與徐長孺交景耀操文哭之墓又贖田歸之叔祖堅吾君歿于官公行喪治塚禮縛而情腆吏部沈日峰有遺孤縣應隍杙于家難公抱歸撫之如已出又與諸鄉紳簡其田廬僮僕鈐記之以待其成今縣應名亦籍籍矣戊子己丑大水旱戶皆持舊例堅不能大有所蠲賑公曰吳民饑且死死迫且亂矣寧



西晉公外生集 卷之二十一 三十一  
忍以桑梓避嫌聽其側請乎文肅公謀之申文定公  
得破格霈恩所全吾無筭及戊申彌留時又命捐田  
租設粥局垂問憊倦若將竟此而後瞑目者其不忘  
鄉父老子弟如此朱夫人博通資治綱目及南北史  
等書每折衷異同得失以試公公應對如響則大悅  
否則嘆公退而凜凜淬勵簡束壹似寒書生已從文  
肅公練習朝常又篤敬元美先生及方聞博雅之士  
發子應制對策諸篇馳驟崢嶸筆墨山立直欲一洗  
叫呼呻吟之習氣追配古人而與之俱惜乎其竟以


年奪也公劭令清舉飄飄若霞外人中年骨面垂髯  
壇宇嚴正慨然以禮典儀軌自居其論多與狷而少  
狂其教戒子弟寧厚無薄寧鈍無銛寧靜如蟄蠖寒  
蟬無噪如饑鷹狡免學者聞而避之矣公讀書有本  
末首尾詩文有權度錄兩書法出顏平原蘇眉山游  
戲而爲樂府多開拓元人三昧嗟乎公忠孝偉男子  
也豈但願以文人名世而已哉卽分其著作翰墨猶  
可蔭映數人而不幸爲相門所掩又不幸爲冗疾愁  
鬱所奪捐館以後賴有尚寶君績學潔行大振箕裘



爲文肅公請謚請卹請建特祠爲學憲和石公立後  
又刻文肅緱山集行于世營墓必名壤乞言必名世  
巨人先生家禮精詳之天章烜爛皆行公意中未了  
事也有子如此公亦可以含笑九原矣

陳子曰昔辰玉病中嘗謂余曰某生平多忤寡合年  
二十一而交徐長孺妻子柔又一年交仲醇始知天  
下有朋友兄未三十裂青衿我聞之俯且泣恨不廢  
書從之遊不意戊子領鄉解又不意覆試後荏苒再  
十年若罷舉世且以曳白疑我誰爲泣血明之者不

得已而試試而入穀非素心也吾父不嘗屢欲乞歸  
耶則勸之歸又不嘗屢辭邊功河功陵功玉牒功諸  
恩耶則勸之辭兄視吾家父子豈復有宦情又豈復  
有兒女情者諸君不察疑吾父之欲出而故尼之又  
疑不肖之非病而故搖之今病且死矣異日爲我作  
傳一通以明區區之本懷此則仲醇事耳宋時陳龍  
川垂暝托銘于葉水心云銘或不信吾當虛空中與  
子辯余不忍以不信報辰玉爲傳其大畧如此試質  
之虛空中辰玉其果有知乎否也悲夫




忠烈大司馬見平張公傳

張銓字宇衡號見平山西沁水人父五典卽海虹先生歷官太僕卿公生十月李夫人挈之歸寧夜半火發卧下李燼烟焰中公無恙二十一中鄉試甲辰成進士授保定推官獻獄廉明擢浙江道御史出巡茶馬丁內艱服闋又巡江西戊午建酋襲撫順總兵張承胤戰歿詔贈少保左都督公奏曰綱目書死之例有三曰死之曰戰死曰敗沒死之者節之也戰死者功罪半也敗沒則直敗之耳今承胤輕進取敗尸積


張公外生集 卷之三十六 忠烈張公傳一

NATIONAL CENTRAL LIBRARY, TAIWAN, R.O.C.




丘山不合卹典請繩以喪師辱國之罪時論譴之又  
上方畧言經臣鎬大將軍柏楨不可用兵不可募餉  
不可派狡夷不可挑戰未幾三路覆師公言左驗天  
啓元年特命公按遼監其軍客曰公資十年俸六年  
矣兩差之期報竣矣又嘗上章請告矣公不往誰能  
驅公迫公者公嘆曰遼左失陷士大夫不能爲主  
上分憂而私畜駿馬預遣妻孥先去以爲民望何怪  
邊關將士望風鼠竄哉某孤憤填膺請脂車兼道而  
前旣抵關袁經畧先納降夷三千人雜屯瀋陽三月

賊犯瀋被陷川浙兵戰死胡騎充斥居民空無人公  
請撫臣帶河西之兵移駐海州督臣帶山海之兵移  
駐廣寧疏墨未乾而賊已薄遼陽城下勸公者曰公  
監軍與經畧異廵方與守土異跳而出圍以圖後舉  
可乎公曰我一腔熱血欲洒此地久矣公守西門登  
埤環塹者三晝夜親以火箭焚賊車薄暮內應城隅  
火燭天公衣繡裒甲下城從者擁出小南門請易服  
弗許入署叛賊李永芳曉來伏謁搏頰謝無狀公曰  
汝爲我言我對誰言嗟何及矣賊取公去永芳扶公




並轡行且說降公自投於地面傷焉公見賊挺立于庭左右抑之拜公曰我豈繡憲臣豈肯爲犬羊屈膝戟手瞋目大詬罵且有力擊人輒披靡賊怒猝公出復呼回爲撫慰者再三又擬刀脅公公引頸以待賊誘曰縱汝歸公曰我以死爲歸耳奴知不能奪送之輿却輿送之騎却騎仍令錮之公呼中父老諸生泣而隨之告永芳曰幸護張使君公厲聲曰汝等好百姓乃爲好漢子索命賊手乎衣冠向闕拜者八向家拜者四遙謝君父畢自經賊走視嘆曰忠臣忠臣遺

永芳殮而瘞之建祠於北門外之演武場流人鄭良弼祖天弼杜時隆自遼歸目擊其狀如此蓋三月二十二日就義云撫按核確奏聞 上悼憫卹錄 賜謚忠烈賜廟額曰昭忠祠省城又合祠於都城 賜祭三壇 賜衣冠葬廕長子道濬世襲錦衣衛指揮僉事初贈公大理卿再進兵部尚書加三代如其官從御史張慎言李日宣給事中尹同臯之請也公狀貌魁梧豐頤廣額面頰美髭髯兩目燿燿如閃電初李夫人孕時夢神人裹黃金甲被髮仗劍入內及期



誕公公官司理時又夢入兩是亭楊中丞繼宗許忠節公達揖公而前曰虛席以待久矣至是遂符前讖云往者遼報頗棘海虹先生速公啓行不三月遂及于難先生得報曰吾知兒預有今日久矣子道濟將赴遼陽訪求公遺骸而海虹先生泣止之曰徒死無益濟詣闕上陳請兵二旅自效行間如漢羽林孤兒故事願從諸將出關雪國憤復父讐斯亦忠臣孝子畢命之秋也兵曹但覆需用若使濟領勇士數百千人獨當一隊仗以聖主之威靈助以厲鬼之血

戰必能手縛賊奴賊芳活者置之檻車獻俘死者剗其舌雁其目鬻之磔之支解之祭忠烈公之墓而後輿其喪以歸豈不快哉昔袁履謙與顏杲卿同坎猶有死時一足也張湊得杲卿之髮妻疑之髮動猶有髮在也今忠烈埋骨何方返觀何日世路悠悠如顏氏張湊之客又何在徒使九旬祖母七尺孤兒招魂望祭於數千里黃沙白草淒風凍月之間嗟乎慘矣慘矣雖然公能令叛賊修治民之禮異類營忠臣之墓又能令降者逃者盜餉者中途觀望者悔死慙死



恨不從公同難死則公之英風峻節真可激發未死之英雄恢復垂殘之遼局豈直與何公廷魁高公邦佐鼎足稱山右之三忠哉故陳子諾濬之請爲之傳

少司馬懷雲陳公傳


公諱子貞字成之自號懷雲子懷雲溪贈公也十七失怙恃事繼母如母友異母弟如伯兄萬曆庚辰成進士里人聚而嘆曰非曩者庶饑殍避遺金雲溪公之子耶又非請捍南岡數萬田治汗萊以完通賦人目爲狂書生者耶初令溧水邑有石白湖當秦淮大江水環而田者八十九圩小澇輒無年公曰此亦類吾故鄉南岡也發穀治堤三年而成沃壤邑賦額靡定乃權地力之高下派役法之重輕豪胥莫敢措手





修荒政置漏澤園洗雪曹箠邵可容之獄人詫爲神明又刻禮法要畧勸善編祥刑鑑三書徇道路而訓督之其意出刀筆俗吏上門清如水邑理如家雖里謡殆實錄也丙戌用卓異拜御史條上六議曰復召對曰行超遷曰核舉刺曰蠲帶徵曰設江南兵備曰禁留都囂訟 上俱報可奉 命巡青按關西茶馬甫三月承後母訃歸服除再補御史公疏西事方棘請用老成首以李公世達曾公同亨趙公用賢薦朝野稱爲德舉壬辰按閩禁鐵冶清屯田革科派均糶


遞通糶于廣南開墾于海上官評責成于監司監司責成于郡長而修文課士尤兢兢焉甲午督南畿學政頒約言十二章廣勵子衿許諸博士列坐聽講按臣無得與科察前後七年一身歷南北學政不携家累不延幕客屏去瓜李之嫌弘獎薪樵之化多士一經點額騰龍門而上者不可勝紀今海內指稱正人君子皆出公昔日鑪鑄中金陵特祠俎豆如故雖年久垂傾尚有過而泣下者其得士之盛可知矣尋擢太僕寺少卿遷通政時妖書事起上窮治大索波及



江夏郭公緹騎逮其舍人兒引繩批根公左右江夏  
甚力卽忤四明弗顧也奉使榮王邸納節歸四年而  
撫闈之命下閩大滸島夷蠢蠢動公下車拮据請賑  
賑不足請蠲蠲不足請留鹽課金六萬助之島夷犯  
順併攻琉球公督率將吏駐劄銅山舍陸登舟始于  
南澳終于澎湖寢處腥風怒濤中幾四閱月海上自  
趙公後至是始見大中丞旌旄麾蓋遠近驩呼公又  
遣名將直抵琉球示之必救以堅其心又遣俠徒宣  
示彼表示之夾攻以寒其膽海波不揚屬國無恙及

公輿疾還省而勞瘁已不可救矣三請告未允疾革  
條答四方報啓纏纏如平時手刻族姻名氏分俸有  
差封識關防勘合勅印送之三司具衣冠望闕謝

命家人木母過美母哭泣母用鼓吹母作佛事母  
久在邸閣母以喪具煩有司宗虞聽請遺令第曰知  
汝不妄不奢吾無言矣就榻端坐而瞑生平簡淡端  
詳真率對客徹夜忘疲獎借後進北面捧手受經者  
以百計家無美好田宅宦橐蕭然凡後先所儲廩租  
贖緩數萬計悉錄爲公費委之有司未嘗取一銖一




忝公雖勞臣而實廉臣雖死病而實死職初贈都察院右副都御史似未足以酬公也及宗虞酒血陳情撫按合詞補請再加兵部右侍郎照例錄磨雖聖明鼓舞將來之懿典亦宗虞永世不墮之孝思也初御馬監孫暹矯旨重徵青州草料公謂詔旨不信連章再劾乃報罷採解皇木內監畢經撲殺二士沉于江航孰莫敢問公彈治不少貸目無大璫必欲如其法而止秀才時以南岡水田爲己任及貴則捐俸經營建閘卓碑永底厥績必欲如其願而止獨立

不懼久要不忘非胸中素具權衡能如是耶公溧水閩中皆有祠金陵祠者再辭世之後五較鄉三老合詞上狀請祀於賢人瞽宗之旁讀其奏議著述真可謂上不負天子下不負所學矣

陳子曰儒早謝諸生未識公乙亥長公訪余山中議論英偉鑿鑿中情貫李伯紀陳龍川之流也寒書生麾金萬餘以遵易簣之治命此豈苟然而已者公薨時撫按並缺題卹久稽長公自行陳乞一中于時宰再中于里人三中于逆魏跟踏夜遁逡巡數年而少




司馬之命下卽姜荼人亦獲蒙 恩耐葬夫久格于  
熹廟批紅留中之時而巧湊于 今上乘乾御極  
之後夫婦雙榮身名俱潔天祐孤忠何其不可思議  
也卹典旣竣長公擬封事徒步上書交遊中規之尼  
之忌之恐嚇之長公銳不可奪通政使特呈 御覽  
奉 旨採納者三布衣草莽得氣在淮南陳吏垣之  
先而朴忠可念矣戇直則數萬言紆回則數千里俄  
而寇俄而兵俄而陸俄而水崎嶇于刀山劍樹舍沙  
鬼矢之間意欲何爲哉要使人知陳司馬有兒豫章  
有血性男子耳青羶鷄肋何足爲長公重輕也故記  
之傳後以告秉筆薦賢者幸無遺忘焉





已子從田姓邑諸生配朱孺人居瑤潭則公父也早卒時乙卯年公生甫六歲朱孺人手掬之屬歲祲倭氛甚惡二鬴不給鬻田廬拮据營葬避亂郡城丙辰寇息還鄉栖息于瑤潭南村僅茅茨三椽而已庚申僑居呂鎮就學甲子五鹿張先生憐公孤而才屬婁江徐翁資以女徐翁諷公廢書習岐黃家言丙寅公理舊業就學于五鹿先生數歎息潞潞夜泣丁卯閱性理慨然有志伊雒之學戊辰入郡庠己巳成婚禮已卯中應天鄉試謁 孝陵追念同野公沿途涕泗

不絕抵家拜朱孺人于堂下母子相向哭失聲庚辰成進士顧念 朝典凡節婦年未六十及 已蒙封號者格不得旌而人子亦不得請公乃謝 廷對南還仍前授經以贍菽水博覽先儒語錄爲諸生發鑰啓扇俱有源委凡天官堪輿醫卜星相太乙六壬奇門禽遁陰陽等書博綜窮討有得輒書之其言天人之間備矣乙酉上貼役之議于縣大夫論畝助米富者出貼不編役貧者得貼不苦役民情大便田價倍增公之力居多丁亥大潦令民防捍播種歲不爲




災冬月以稅入助官爲明春賑助之倡戊子饑民洶  
洶掠者四出公聞報亟發家僮操舟救之遠近安堵  
是冬直指荆公上節母狀于朝賜旌閭而孺人春  
秋正六十詣門獻觴者相賁于道己丑出赴殿試拜  
杭州府推官復吳姓公卽給田于田氏子孫以修時  
祭又捐田以避田氏役庚寅之官有戴綱者初乘倭  
亂以軍伍入帥府書記冒功題授臨山衛指揮欽依  
臨觀把總寇息以賊犯被討間絞減等守哨哨滿法  
應還職上司覆審不之許公引會典昌言之擬其滿

日還衛詳允題准著爲令又有竊盜被獲里人贊擊  
致死者問絞公謂盜與平人異等擊盜與盜擊者異  
法攻末減又有盛瀚得罪于吳侍御侍御畧其產不  
得誣之大辟者三十餘年公得情請先釋放而後具  
題諸如此類甚衆掾史或叩頭爭公笑曰邾文公不  
以一人易其身崔篆謂殺一人而贖二千人我所願  
也決意平反無所憚當路莫能難之癸巳奏績贈父  
母如其官甲午擢南京兵部主事比歸橐裝蕭然母  
子欣欣上終養疏鄉居續舊著叢語丙申大水設義



倉以贍不能哺者築義冢以瘞不克葬者已亥有石  
經大學註釋庚子有春秋質疑壬寅執母喪讀戴記  
孝經采其有關喪禮而汰其苛碎不可行者有孝經  
質疑癸卯扶母柩合葬父穴廬于墓旁甲辰喪畢闕  
易傳爲繹旨秋仲赴東林之會丙午補車駕司添註  
主事五月奏驛遞冒濫有三一曰借用勘合二曰遣  
牌支用三曰各衙門題差六月疏請改南不允又有  
詩經質疑已酉轉光祿丞時晉江李文清公捐謝閣  
務閑居時與公談易有合躍然爲易旨叙辛亥上扶

理學疏事核而氣平不偏不黨正論壯之壬子轉南  
光祿少卿有掌工篆者拆民房清街道南人譟且啼  
公上疏遂得停寢乙卯齋捧北行日擊山東大旱齋  
戒露禱因不德州守鑿井圖式地多而方正者鑿中  
井地少而形缺反者鑿旁井土人出葦成井貧丁出  
力易食旱地得水而不枯麥禾得灌而繁植民無創  
始之難野有樹藝之効自春徂夏掘井不下千口而  
賑饑之法亦寓焉是法也程明道先生嘗行之作令  
之時公與符合當路頒圖他郡縣耕鑿古風幾徧齊






曾是冬轉南太僕少卿不赴屏汰羣書潛心黃庭叅  
同之學得要領已驗自分無天緣去之游覽釋教得  
指歸自號圓通摩尼光居士著有叅證錄修證錄諸  
經約論金剛心經註解會戊午己未建酋犯順兵餉  
窘縮輔臣率百官請內帑不下而公輦金一萬屬南  
京兆轉聞得溫旨褒公忠義可尚公少孤食貧晁嚴  
取予之節居鄉無私牘居官無私餽室無玩好門無  
雜賓與夫人白首相莊無妾媵生平寸椽尺瓦皆從  
節縮拮据中來久而屬厭傾產捐助性初不帶一物

胸中不點一塵浩浩落落人莫得而測也公愛吳興  
佳山水又喜其風土簡素挂布帆乘巾車探奇吊古  
經旬乃還有跡而追之者拂袖行矣公僻喜村落晚  
老西城廬終日杜門或手一編或危坐竟日嚴正清  
簡之中有粹然剛大和平之氣以去炎就冷難進易  
退爲官守以不愧屋漏不談朝局向背爲學問究其  
所造可謂古之廉吏大儒矣


陳子曰士大夫津津談學儻然以聖賢豪傑自命然  
不好官不好財不好名者無幾矣公起家進士奉節



母林居十餘年已又謝臺省就南曹晚年特起京卿  
節鉞望重而懸車之志甚堅辨論僞學之疏甚切是  
真不好官也贍田氏田以百餘計贍學田以五百餘  
貲計萬金之產一朝棄捐以佐國家之急是真不好  
財也操守冰清學問淵博未嘗以賢智先人以標榜  
名譽籠罩人鮮食寡營違眾拔俗是真不好名也大  
抵公孝類會閔學類程朱養士贍族類范文正一介  
不取類狷獨立不懼類狂萬金不惜類俠遊戲禪那  
則又類古尊宿而惜乎 朝廷未竟其經綸之老手


宮諭彥履楊公傳

公諱繼禮字彥履號石閭居士生有大志重遲寡言  
笑詳視矩步父南谷公心偉之六歲哭嫡母淚湧成  
血有死孝之目比長益嫻于文章累冠曹耦遭父喪  
役訟蜩起置身鋒鏑間得不廢讀當事者習公知名  
士更羽覆之然生產挫盡矣公脫走都下中應天已  
卯試贈登十四年壬辰成進士選庶常甲午秋授編  
修修正史乙未分考會試丙申持節 冊封周藩戊  
戌分考會試教內書堂已直 起居注編纂章奏是




秋充 誥勅撰文官庚子出典試江右辛丑 東宮  
冊立大禮覃恩中外又推擇掌 制誥壬寅春陞右  
贊善癸卯陞右中允辛丑甲辰充 殿試掌卷官冬  
十月推武舉主考公名在第四得 旨力疾竣事乞  
南政府念公資深晉官諭掌南院抵家遣人上疏請  
予告未久而公逝矣公性恢忻自喜不喜齷齪問家  
人產南谷公家世雄海上擊鍾而食者千指公貧良  
田俱棄去旣宦成僅建一廳事工未竣而公捐館諸  
子至今局脊故廬中三典文衡每入闈焚香祝天曰

願得貧人無得富人願得正人無得邪人居長安與  
沈相國比隣非公事不私謁見立朝耻爲崖異亦不  
欲陰陽閃條以腹背事人每入班行中骨體奇昂音  
聲警亮衣冠奕奕整肅有法度虬髯如戟眉眼上射  
插兩鬢間望見者皆嚴憚不敢狎視公及其輪吐情  
襟則心慈而氣溫言簡而味雋不惟公能忘人而能  
使人忘公其度量委蛇緩急得力殆未可以涯涘測  
也公爲諸生喜客客至不聽歸至典衣市酒遇空乏  
清坐相看或竟日不設食客客主各自引退亦不爲辭



謝比病歸不勝疲而好對客如故生平所善彭欽之  
張仲仁生爲之訟寃歿爲之哀誄以撫其孤其待洪  
溪衷公崇野聶公及座師季司成鄒光祿皆有古人  
風誼每引司馬溫公之言曰受人之恩而忘之者其  
爲子必不孝其爲臣必不忠又稱秦淮海之言曰人  
臣能報私恩然後能盡公義背師賣友之人必不能  
以身許國故公刻意報德惟恐自抵於薄以爲名教  
羞文章和雅老成不爲鉤棘雕飾以艷時好纂修正  
史 后妃外戚傳最稱合作制草莊瞻得王言體文

武諸錄士林膾誦之公先世歸德人勝國時有諱容  
者佩金虎符總管漕涇以禦寇歷官荆楚取材斷黃  
山多虎移檄告神虎斃 高皇帝遣行人徵之道卒  
伯子某以喪歸葬河南而仲子和相因家漕涇遂爲  
華亭人數傳而生南谷公敦行博學豪舉有大志捐  
田二頃築滬海塘又畫華亭城守之策倭至城賴以  
完自成弘及南谷公登鄉書者凡數人獨艱一第而  
公繇進士起家官宮諭咸稱其累世樹德之報云  
樵史曰余與公游三十年勸公留心經世之務公笑



不答然間一及國家軍國大事及論朝鮮播茵用兵  
皆鑿鑿動中甘苦卽宿將老吏不能易假令公得時  
而駕其树立豈後李文饒張忠定而不幸中道以歿  
天也雖然關中楊氏自震秉及賜及彪世爲三公飲  
尊不盡以貽子孫安知不在公之子哉

學者未悉其著作之苦心子雲侯巴伊誰任哉故有  
感而爲有道吳公傳

東晉公先生集 卷之二十九


侯野吳公傳六




學皆未悉其善計之苦心雲氣已飛滿玉樹苑育

張面然齊哉吳公轉


陶名公外生集卷之三十六



國家圖書館 NATIONAL CENTRAL LIBRARY, TAIWAN, R.O.C.



國立中央圖書館, NATIONAL CENTRAL LIBRARY, TAIWAN, R.O.C.








陳倉公先生全集卷之四  
 傳  
 光祿少卿王公傳  
 吉水桐岡王公傳  
 白水秦處士傳  
 竹塢王布衣傳

346613 v.21



國立中央圖書館 國家圖書館 NATIONAL CENTRAL LIBRARY, TAIWAN, R.O.C.



陳省公先生全集卷之四十

傳

光祿少荆王公傳

吉水桐岡王公傳

白水秦處士傳

竹塢王布衣傳

元石潘公傳

牧之范公傳

武塘環洲錢公傳



東晉先生集

卷之四十

目次

一

NATIONAL CENTRAL LIBRARY, TAIWAN, R.O.C.



鴻臚起潛程公傳

無錫爾濟侯公傳

子裁徐孝子傳

甄甫馮公傳

澄川李公傳

聖清張君傳

研亭安公傳

門人單恂

質生父較梓

陳眉公先生全集卷之四十

華亭陳繼儒仲醇父著


男夢蓮古澹父

夢草山賢父

孫仙覺天爽父全纂


光祿少荆王公傳

光祿公諱夢臣字良徵繇國子入貲賜級光祿今太子太保大學士荆石王公之仲父也太保公與弟學憲竝以春秋起家積官至太保封公愛荆公及祖友



荆公如其官公爲愛荆公異母弟號少荆初以齒早  
夷與子等同太保兄弟鴈行受書不敢以弟禮薦也  
旣娶張孺人猶逡巡隅坐却立莊事愛荆公彌謹太  
保公拜相田間公益退讓簡逢迎不數數造請官府  
歲時旅謁或一至壺漿罕所陳乞呵殿及門輒引跡  
遜匿惟恐後公嘗行遊至關津某司理勅津吏偵公  
所在且將加禮焉公佯應曰公祿暮抵此尋去矣司  
理君竟無繇踪跡公其遠嫌避勢多此類太保公生  
平和氣與人無所不可語而檢括族屬剛腸冷面卽


間有非分請者往往望崖而返獨於公則坦然意消  
臧獲小軼法公封杖太保公子重懲其不恪公歿之  
後太保公至今撻而訓之不分彼我也公爲人篤愿  
訥言辭然與人交有首尾無腹詈面親亦未嘗見有  
峭听儇佻之色性不驚名高鍾籛筆石稱心施之其  
墓田廬舍陂池牧畜器作大抵不僭不濫約束祖業  
而止客來輒畱畱亦無雜賓元美先生數過從曰我  
獨愛公酒德實有隱德耳所居闔閭獨絕市囂小飭  
亭圃花石稱之而尤好畜養名禽異鳥最後得白燕



一雙元美先生唱詠東南名士和者甚衆太保公無  
他嗜性好花能手自分藝剪剔每與公相見第起居  
花鳥無恙而已公五十四卒太保哭之哀親銘其墓  
而傳之


陳子曰余觀江東名族憑依胄地非輕舟肥馬行俠  
海曲則冠劍甚都停鸞駐軌關說長吏以爲里閭雄  
甚則無服之戚與一切厮養竈婦遠近招搖插標樹  
羽者何限而况公爲太保公同祖之尊行乎公確守  
素風仁心爲質三四年來能使閭史無過書市兒

無反鬪公非所謂吉德善人君子乎陽陵君論君子  
之富假人不責不德食人不使不役衆人善之親戚  
愛之光祿公足以當矣




吉水桐岡王公傳

公諱天球字以珍學者稱爲桐岡先生上世家大名  
宋元祐進士王淹者疏論新法不便凡十二事大忤  
金陵貶吉州別駕監鐵稅卒邑之高塘里子孤貧畱  
家焉遂爲高塘里人五世槐隱公抱隱操金華方太  
史鳳及諸縉紳倡爲詩歌以闡其潛德槐隱公四傳  
生察察生汝錫汝錫生宗仁宗仁生勿輒公克己是  
爲公考娶陳孺人夢彪入懷遂孕公凡十二月而生  
少卽通敏受知於貞襄聶大司馬偃蹇公車者久之



陳省公先生集 卷之四  
四  
嘆曰詞章之學雕龍繡虎以大言相浮誇其失艷詆  
詰之學繭絲牛毛以成心相掎擊其失拘科舉之學  
羶逐於蠅頭蝸角之場其失陋獨不有聖賢正學在  
乎於是負笈羅文恭之門一見語合石蓮雪浪旬月  
忘歸閉門掃榻以默坐爲收提以無欲爲道體以無  
息爲工夫羅文恭快其奇進曰吾門有王以珍不落  
莫矣公與尹道輿王著久謝子貞追琢切磋又得羅  
文恭印證視人間一切浮華淡如嚼蠟惟躬行實踐  
爲兢兢家貧事親孝生則供甘毳歿則蔬食水飲不


入內者三年伯仲析產則取瘠遜肥撫弟藐孤則推  
心置腹族貧不振者量力賜之遠祖絕胤者爲封識  
其丘壠而俎豆之居恒脩髯玉立無情容無嫖詞無  
疾言遽色遠近信公品延爲導師負墻而執北面之  
禮者甚衆其子弟遂遂粥粥出遊里中者望而知爲  
王先生之門行家風也公無疾五日前預刻化期至  
期發其篋得洗心環堵語錄史綱補斷南臯鄒先生  
葺而傳之公考勿軒公有司屢請鄉飲賓辭不赴公  
亦曰後人無以鄉賢溷我夫鄉飲讀法尚齒尚賢而



無良之人敢與郡邑長分庭抗禮全家放流口外此  
功令也 孔廟以顏曾思孟配享堂中其次兩廡又  
其次名宦鄉賢祠於黌宮左右之旁督學報允有司  
具鼓吹導木主謁 廟而後入祠此功令也晚季官  
師不慎則鄉飲幾至濫觴鄉飲濫觴則鄉賢亦同塵  
飯今桐岡王公痛戒於生前究竟追崇於身後此三  
代直道之民心亦百世不遷之公典也豈直逃名而  
名我隨也哉 陳子曰此江右真正鄉賢也傳之使  
補入吉水王氏家譜

白水秦處士傳

公諱文羽字鳳章號白水宋學士少游之後元進士  
裕伯十世孫也 高皇帝檄起裕伯稱疾辭 上手  
書諭曰海濱之民好鬪裕伯智謀之士而居此地苟  
堅守不起恐有後悔裕伯遂入朝後以爲待制尋出  
隴州屢傳爲蘭軒爲南河世居洞庭消夏灣復徙松  
嘉靖戊戌公始生初卜築橫浦之東旱島夷躡浦上  
公負病母出入墟莽間精神焦枯暮年始有寧宇兩  
襄大喪以獨子行營宅兆於瞿塘灣指其地曰異水






流乾子孫多賢青鳥家過而異之是主人得相冢法  
矣公少嫺公車言與兄嘉楫肄業郡城之塔下經歲  
不眠家鐘寂乃寢無何兄已騰蹕爲侍御顯官公坎  
壟如故與繼娶王孺人蚤興晏罷手一經程督鏡兒  
相對無嘆聲曰試觀膝上兒風氣日上吾兩人豈久  
貧者酒爐茶竈詩圃棋窠往往藉以自適至於庭訓  
雖風雨晦明課誦弗輟也晚年讀竺乾古先生之書  
忽有省悟閒語未來事中萬曆丙午七夕慨然笑  
曰明年乞巧當復誰何及丁未果如公言嘗局一篋

授王孺人囑曰易簣時啓之啓則手寫銘旌也旌曰  
生不逢時死不爲咎稽阮爲徒鳳章之柩余嘗笑通  
人多蔽非諱老則諱死矧見霜髭則擲鏡不顧出見  
白衣冠往往蒙袖掩面却走以爲不祥公獨甲長生  
豁至怖幾於柴桑自輓香山自志者矣子卽光四明  
經恩貢生才名烜赫若其貧不學儉甲不學恭父子  
不言而喻公雖亡豈亡哉


陳子曰少游支裕伯俠公以一布衣而能兩兼之少  
游辭世飲水一笑而卒此與公達生何遠兄爲侍御



史公剛正無所附麗卓然有裕伯之風而恨郗乘之  
及載也故書此以俟異日秉筆 繪音者藉手焉


竹塢王布衣傳

布衣王忠者字五生號竹塢楚江夏人也自少介立  
重然諾張肆鬻書籍於京師有同鄉郭監丞正位與  
之善監丞兄卽郭公正域也郭公嘗手批韓杜詩刻  
之南雍轉北少宗伯因以韓杜板授忠忠印刷裝籠  
中擔投郭家如是以爲恒郭公發楚事四明沈公格  
不下郭公攻之急露章彈四明請告還里時畢夫人  
有身艱陸行行繇通灣一夕暴風作舟凍楊村而京  
師妖書之事起大金吾羅織之以媚四明遣緹騎抵




陽春公集卷之四十一  
楊村入郭舟摎捕縛其奴波及其客沈令譽王忠且指忠與郭公善又每見擔籠中書數投郭家非妖書而何時司禮大璫程矩與勳戚臺省廷尉御史大夫及六曹之長副若而人奉 旨會鞠忠挺辯反覆五刑毒楚旁視者爲聲嘶股戰忠不肯誣服無一字冤郭公且曰不族我不喋我又立釋我諸君何爲者程璫心奇之回詰大金吾大金吾垂首語塞而李宗伯廷機唐少宗伯文獻陶司成望齡申理四明前言侃侃四明詘公議大金吾度不能鍛鍊竟械忠獄啖

以美官唾不顧時時密置緹騎溷獄卒間迫脇萬狀間市餅餌酒肉慰勞忠館其言輒以報聞畀重賞忠與沈令譽竝錮詞色不撓或卧或起或僵仆或嘿或歌或罵詈官長或號訴天地鬼神其餅餌食餘者私藏皮褌中俟他囚洩溺出散餅餌於地囚餓死者往往藉此幸少活久之皁生光抵罪忠得白自癸卯仲冬及甲辰季夏始出獄門獄中多傅良藥斷金碎骨糜爛肉如故而郭宗伯亦賴以無恙先是相縛拷掠命如懸絲垂日暮絆以鐵絙三匝梏其腰領手足碎



不得轉舒忽半夜喧譟曰忠逸矣獄卒百餘人持燎大呼入曰妖書人定解妖術而忠方呻吟裹血中不知也瞠目問何故曰有一囚夢見赤髮黃面人挾忠飛出天窓竇中去忠泣曰吾命為惡魔攫取豈復更望生還賴 天子聖明詔忠出奔見郭公於家抱持哭失聲語次夢事郭公曰異哉吾曩泊楊村夢赤髮黃面人狀猙怪可畏謂予曰公大事已解無怖亦十一月初五日也蓋與公同日同夢云郭公歸田廷薦交章上會疾薨忠走京師見首輔福唐葉公泣請卹典葉公昌言於朝贈卹皆加等郭氏子不費一鏹忠力也忠繇此顯名士大夫爭願交懽忠無所希覲清論高之

陳子曰昔吳元濟遣客刺裴晉公王義身扞得免義死是歲進士傳者十二三焉今郭公交知滿天下其生死得力乃出同鄉一窮布衣而世無傳之者余故為忠傳既以張楚且以告王公貴人布衣士果可輕乎哉




陶石潘公傳 卷之四十一

元石潘公傳


潘庚星字君翰號元石吳興太史仲驂公次子也太  
史中嘉靖辛丑進士出夏文愍之門讀書中祕夏為  
嚴分宜所阱太史周旋獄中餽橐餽既死太史與費  
宗伯部署其喪操文哭之哀分宜怒出判大名丞松  
江守安慶竟坐廢歸初生公於京邸名京陽又改今  
名性奇悟下筆滾滾跋踈詞場視一第如屈伸臂頃  
而未幾太史之難作當督府胡襄懋禦倭召吳越諸  
名豪入幕籌兵事以此立大功終罹讒口及被逮幕

東晉先生集 卷之四十一

元石




REPRODUCED FROM THE NATIONAL CENTRAL LIBRARY, TAIWAN, R.O.C.



陳省公先生集 卷之四十一  
客皆蒲伏散歸而詞連太史持之急倉卒不得明公  
入謀朱孺人悉掃奩中裝北走輦下爲緩急地朱孺  
人曰妾聞之父讐不報則人子寢塊枕干子殉父妾  
殉夫請從此訣矣公謁見鑑川王司寇借所善陳總  
憲皆謝曰事在上不在下會太史弟印川公以治河  
拜中丞抗疏陳情語多急難江陵昌言於朝曰潘某  
負奇寃而令中丞嗷嗷籍口何也適吳侍御聞之出  
按吳興洗其獄太史竟以康樂終天年里中稱公曰  
孝子獄旣白公調習其故業駕熟就輕眉端覺有柳


栩色三入棘齒於族仇報罷入國學趨順天京兆試  
印川公曰江陵相方以子弟科罪而乃踵其後乎人  
之多言亦可畏也公唯唯南歸托跡於收宗課子孜  
孜爲德於鄉晚就海州丞非其始念也公官海州屢  
攝篆讞獄如神靈啜菽飲水多鬻產自給臺使者重  
公廉幹手書趣之禦寇於鹽城未至境而卒人皆傷  
之初公毀家紓難猶能收拾其零星殘橐每爲人卹  
喪振乏臺察督過范司成羣囂沸發親故莫敢睨其  
門公携酒候之排突直前皆辟易起立噤無敢發聲



而縣大夫呼殿且至公從容迎上堂坐定爲剖陳本末辭氣果壯縣大夫爲之改容而不深罪也未幾司成有雉經之事長子先之公力以撫孤自任已而范氏嫡庶爭庶母之子死投牒者委罪於嫡公懸司成像涕泣道之終訟不肯休乃乞蘭谿趙相國牘聞於所司始得寢初趙公之謫嶺右也客稍稍引去公獨餞之郊曠以筐篚趙公心德之旣柄政虛史館中書待公公謝不赴而轉護范家訟事竟得其力古節俠大布衣許爲人脫急緩禍不以在亡爲解正此類也

公負英鑒善知人延平涵朱公教其子一桂而間以微諷規之曰譬如鐵石何不進而式金式玉朱公笑曰鐵石本色黠而黃韞而潤終屬第二義耳後朱公官少師以清直聲震朝野親銘公墓而傳之孫曾絃叅政督學河南三品 單恩追贈公如其官

陳子曰公少承太史司空家學彈文徵文氣吞名流不幸窘於家難徒跣攀輿歐刀伏闕豈肯出緹縈兒女子下而一生權奇磊落之精神亦十去八九矣名場雖冷俠骨未寒每過里閭間蟠屈不平之鳴輒能



曲體物情片言居要以談笑爲僚九以筆札爲魯連  
矢如暴季弟寃平閔氏闕非才老識老憂患涉世老  
不能因應辦卒一至此重耳之伯心生於曹小白之  
伯心生於莒其公之謂哉惜乎逢時不辰低首海州  
丞而歿讀書十年不如一詣習主簿世寧有物色若  
人者乎故有感於昭度之請而爲之傳

牧之范公外傳


余宅隣牧之少聞牧之以情死不敢問父老比十年  
奉化人之教略已定情乃許牧之子必溶作牧之傳  
范生牧之名允謙伯父太僕父光祿爲文正忠宣公  
後牧之復以庚午舉鄉進士生而頎廣額頤頰而下  
小削目瞳清瑩骨爽氣俊不甘處俗華亭世家子出  
必解怒錦衣狐裘舞於車上童子駢肩而隨簪玉膏  
沐如婦女之麗牧之見之往往內愧肉動毛孔蜩張  
輒障面去居恒單衫白帻着平頭弁與諸少年頎頎





而游游遇豪貴人牧之欠抑唯諾陽燠不敢言衆以爲是生也寒酸不上人眼意輕之牧之乃快或坐客小覺則拂衣疾趨出亟遣追呼者問牧之牧之飄風逝矣性嗜書無所不讀能跳梁於翰墨間有才子之致客非韻斥門者不納納必以名香清酒爲供或宴語夜史喜不嗜寐童子更燭割炙復張具如客初至時屋下雞鳴猶聞鼓瑟落子聲及醉而嘯者至是四方之客日益集牧之恢張心胸厚往薄來故雜客亦稍稍得進而未幾杜生之事起杜生妓女也以風態

擅名慷慨言笑自題女俠與牧之一遇於閨門目成久之退而執手嘆曰吾兩人得死所矣君勝情拔俗余亦俠骨籠霄他日枕骨而葬太湖之濱誓今墓中紫氣射爲長虹羞作溷淖女兒下指鴛鴦上陳雙鷁言罷大泣衆驚其不祥嗣後淹繫旬月無復顧禮設頓精神廢輟家政客乃有爲文告神以絕牧之者牧之答曰僕聞虧名爲辱虧形次之諸君子且當世賢者僕雖不才亦忝惠莊之遇舊矣諸君子一旦擗齋束帶矢之神前擊鍾伐鼓以絕鄙人一時觀者莫不



駭遽狂走謂僕當得夷族之禍以至於此甚而造作  
端木飛流短長筆之踰糜付之尸祝無煩檢考遽定  
爰書不須左驗遂成文案是忠告之義同於臆觥捃  
撫之過近於文致使僕不能含生於覆載強息於人  
世辱云甚矣僕亦何人其能甘之惟有蹈東海而死  
耳牧之既深情膠粘不解而復爲諸客所激若圓石  
遇坂轉觸轉下勢不得不與俱盡會太守寤杜生出  
辱之庭牧之忍愧以身左右翼多悲辭太守徘徊不  
令下鞭然終不許牧之以一妓女燼黜賣杜爲賈婦

牧之佯諾陰使人贖爲山西賈得之以藏於別第俄  
載而與俱長安居長安邸不三月牧之病肺死牧之  
旣死杜生勅家人裝其喪歸而以身從杜入舟忽忽  
微嘆間雜吟笑如無意償范者至江心命具浴浴罷  
更衣左手提牧之宣和硯右手提棋楸一躍入水左  
右驚視不能救初見髮二三尺許浮沉旋瀾中已颺  
起紫衣裙半褶復轉睫間而生杳然沒矣余聞牧之  
事光祿公秦淑人及遇弟允臨斤斤孝友名教人也  
因緣爲崇卒耗俊姬何哉漢高項羽英雄絕世劍鋒



淬人眼不爲貶乃心消神枯終不能斷戚虞之愛夫  
二公賴有此舉小足破俗不然項乃倔強老革龍準  
公一村亭長故態耳語云天下有心人盡解相思死  
世無真英雄則不特不及情亦不敢情也牧之者得  
無老氏所謂勇於敢則殺者歟定盟且誓永焉不譖  
沉恨幽疑泮焉渙釋兩人可謂誠得死所矣使杜遲  
回獨生或不欲生而無幸以不汗病死寥寥千古含  
怨何期今而後知杜生之有以謝牧之也或曰君家  
蠡首唱風流而唐杜牧之奇宕挑達坐卧粉黛中以  
老君於牧之則諱姓於蠡則諱名垂二千年而合爲  
范牧之嗚呼然歟否歟


陳子曰余與牧之子必溶遊生駒俊鶴抑何其似牧  
之也必溶入國門而遇平康里則疾回其車市有倚  
門而挑者恥若面黥惟恐唾沫形影之及必溶少孤  
心不能記牧之短長肥瘠而能不失尺度若是父豈  
必身爲教哉夫曾子子父之相反而趙括之讀父書  
也爲人後者其奚擇也






栢峰奉政公貞丁酉舉應天選尤溪歷仕維揚汝寧  
二守貞生吾仁號心亭以諸生入太學配曹淑人生  
丈夫子二長忠所公次卽環洲公也公伉爽駿發心  
亭公奇愛之口授書史弱冠補諸生娶御史南橋盛  
翁女心亭公憐其生長素封不苟責家政公但與二  
三名士讀書智果山軒軒自負不浮沉於俗轉遊南  
雍謁選補江寧丞非公志也會曹淑人春秋高公不  
勝陟岵倚閭之戀挂冠遄歸又痛心亭公違養則以  
事父者事兄忠所公莊嚴堂構則懷桷如新肅括廬

兒則廉隅如舊盛孺人委蛇俯仰其間自安無兢但  
隨筆總大綱共遊四十年太和元氣中而已公好養  
生畜姬侍盛孺人柔之如女兄弟尤憐愛季兒甚於  
所自出一几一榻親爲洒掃拂拭之帷墻咫尺外影  
不聞聲外家饒有素封名但以浮雲視之蒙師李先  
生之子幼而喪父流落爲比丘公推解衣食委曲安  
置之族妹適沈君少寡笏吏者迫之別嫁公挈之歸  
爲其女聯姻於郁俾與女相依倚不復更踐二庭妹  
死始之迫嫁者猗撫其葬地且訟及於郁公挺身呵



陳省公先生集 卷之四十一  
一  
詈必直之而後已。構李高翁石交也。死十載餘歲時。奠祀之不絕。生前緘千金相寄。反之身後。封識宛然。邑侯高其行誼。當六十敦趣爲鄉飲。大賓公一往。輒不赴。曰。吾家起自儒素。今兄弟子姪相繼。取高魁顯官。非以恬淡力砥之。猶恐望衡同閭。漸及熏灼。况敢山衣田冠。而與公庭抗禮耶。晏坐斗室中。批閱華嚴疏。徧索道藏書。校勘之。著金火丹書。行於世。又以先世名醫。哀刻諸祕方。手治劑。濟人蘇子瞻嘗云。病者得藥。吾爲之體輕也。晚葺城南餘畝。環洲激。皆水巧。


與別號相符。旁植梅花。脩竹。映帶之。以小閣亭臺。顏其齋曰。洲隱。吾老水雲鄉。不復問滾滾馬頭塵矣。逝月之初。招邀所善客。入畫舫中。度簫鼓。飛觥壘。嘯咏芙蓉。爛熳間。迄終月。乃罷。忽痰火卧病。子姓滿前。不齒生產。亦不作家人。呼嬰泣。越三日。殮含笑如生。平生能忘辱。亦能忘怒。似多情。亦似忘情。見上帝可見。閻羅老子亦可意者。猶龍氏所謂嬰兒乎。自來先世積德。後乃大昌。而族豪憑依門地。華裾駿馬。以爲里閭。雄甚。則陰結。廝養如膠漆。樹羽挿標。招搖遠近。而



外論籍籍不可向邇矣如錢公爲錢氏尊行子弟遂  
巡無秋毫快心皺眉之事閭史無過書市兒無反鬪  
皆拱手稱爲善人君子而嘿助於門風相業不淺矣  
子四人士震士鼎士濟士觀有令名

鴻臚起潛程公傳


鴻臚程公諱九龍字起潛號時化居士晉元譚公梁  
靈洗公之裔也其先徙家托山遂爲托山人曾祖曰  
有榮榮生漸漸生世美世美慷慨重然諾有隱君子  
之風娶吳氏舉丈夫子四人公其季也少魁岸侷儻  
不好兒弄曰逢掖章句儒墨守耳通儒者能以經術  
通世務之謂也家中落豈稿蠹魚文字中乃約伯若  
仲經營故業而息之因稍稍起家利鈍尚叅半公慨  
然曰吾壯志不止此囊金走四方推心腹去苛碎絕



不以狡獪籠單人而曹耦皆樂爲之用揣貴賤奇贏  
如明鏡炤形如巧矢中的遂能噓枯爲菀轉織爲饒  
稱賈中祭酒父沒公號慟仆地不欲生猶幸有篤壽  
吳太君在年近百旬健武善飲噉公頃刻不敢離左  
右嬉戲百端雖嬰雛不啻也母顧之笑曰盍出而養  
志乎公乃謁選人列秩鴻臚值歲時家慶率兄弟子  
姓徹席行酒鴈行拜堂下居恒義方悉依於忠信篤  
敬去美去奢長公公皆負篋南雍多賢豪長者車  
轍諸孫課鄒魯之書嫻卓鄭之策絃誦斌斌如矣性

鯁直不能腹藏人過雖強禦無所屈撓匡無賑急往  
往投袂擲箸而赴之義聲流聞郡邑諸大夫虛鄉飲  
賓公公辭已丑客湖陰及春得寒疾且劇長公鴻基  
滯荆南次公丕基刲股進竟不起彌留無他言連呼  
老母者三自傷不獲稱百歲觴也

陳子曰古人學問夜卜之夢寐晝卜之妻子僮僕而  
余未見其人也今觀程丕基之事親而金從文之事  
丕基者事甚異丕基病真州就醫雲間亟且殆從文  
引刀刲其左股二臠一和藥一作羹飲丕基霍然愈






陳晉公集卷之四十一  
昔李善抱幼主逃亡瑕丘界中男子而流乳潼太守  
而除草執爨漢以後寥寥矣自漢及明又見之不基  
主僕非程氏父子長者世積德寧有是哉楚靈王之  
亡也從者皆潰散徬徨三日不得食遇故銅枕其股  
而卧之銅人竊以土代枕逃去嗟乎今天下衣冠楚  
楚而負心亡行者強半是也余故於鴻臚程公傳後  
附書從文於程太史正揆母表後附書蔣僕申僕驥  
此關繫民風世教今安得有薦舉如鍾離意者乎


無錫爾濟侯公傳

侯爾濟諱世美無錫邑人侯之先世述譜繫其嗣於  
堂祭於墓者爲樂泉公始高隱不仕元與倪元鎮輩  
結詩社是生怡晚公年及百國初賜之章服生晚竹  
公六旬得子曰企竹公以太學宰江山縣舉循良第  
一擢太僕丞殊數也企竹生封太常博士文芝公文  
芝公生贈太僕少卿少芝公五世俱單傳晚得子故  
二百餘年僅五葉然皆好爲德於鄉有司特建表善  
坊旌之迄太常公諱先春者實生公風神秀異肌膚




若冰雪太常猶諸生抱以示客曰此豈貧士兒已稍  
長頗安於絮衣糲食則又轉自喜曰此真吾貧士兒  
矣及官給事中歷太常受太廟胙歸班賜家人餽  
及公北面拜端坐享畢不復及免鹿諸羞曰君賜染  
指而已何敢饗也將冠行三加禮竟日無跛倚容新  
娶王家婦裝遣頗豐意不懌王氏脫去時世粧素風  
相勗而婦家數以甘衣好食來公謝曰大人居恒無  
奇繒無菜肉此何爲者請辭太常公宦京輦畱公侍  
兩尊人於家夙夜匪懈有滌漉浣綸之風架無雜玩

亦無雜書凡一切五格六博之戲曰吾性不解此見  
解人頭岑岑作痛矣御家御轡嚴秋毫無少貸族屬  
僮奴密調其最無良者而臚記之聞之太常公皆稟  
稟搖手相戒莫敢漁戶外事或屬公居間郡邑長公  
笑曰邑諸生而敢游說公庭非直不揣抑且不祥或  
欲假公之家郵轉媒當路公憤而詈曰夫夫也思因  
大人之熱而又欲孺子因其熱得無薰灼我家乎亟  
麾去日與嚶城徐汝廉鏡戶下帷每讀書至古人忠  
孝大節眉嫵津津有美色若遇鬱勃不平事恨不操




霜刃直插奸邪頂領間裂背搥胸雖夜半隔窓叫汝  
廉不絕也公性剛正不怖鬼不屑治家人產紀綱以  
會計簿上之置不復省去則揉百雜碎矣嘗曰大丈夫  
夫脫此垢穢物何事不可爲蜣螂不能轉丸終戀糞  
壤耳才高志潔思騰擲一奮以續太常之箕裘偶然  
小戰小卻終不借太常片牘爲先容曰此造化鍛鍊  
豪傑時也裹足華藏寺中葢鹽燈火讀不竟帙不休  
文中尺度不休第孱弱善病病復誤委之庸師而  
君不起矣屬續之夕語不及他但張目執大兒手曰

學長進大兒者今孝廉宗源是也是時方七歲長源  
孕才匝月宗源入山中屬傳於陳子陳子曰吾聞毘  
陵有大人先生倡學於東林賢者輻輳如歸市爾濟  
公矩行規步正易之謙謙君子詩之溫溫恭人也惜  
其捐世太早不及頡頏理學諸公間淺瘞三十年長  
源補邑諸生宗源以乙卯領鄉薦續文藻行所至交  
遊服其操下其才號稱當代英儒而本之庭訓居多  
公雖亡不亡矣宗源灑灑數千言描繪如畫且并其  
笑啼神情而俱得之孝子也亦才子也





陳魯公先生集 卷之四  
三  
代父病疽親爲吮疽及相繼歿哀毀骨立絕而後甦  
既合葬誅茆結小窩廬墓側冬不絮夏不幃卧不牀  
褥日食粥糜數盃削竹爲匕剝木爲枕瓦缶土剝雜  
附游塵縱橫踝膝間廬外生異草葉如蘭蕙寢薪下  
有赤蛇二輟薪蛇出已更蜿蜒狎如常夏無蚊亂髮  
椎髻無蟻蝨墓去家不四里間歸祀先未嘗還視內  
歸墓瞑黑或風雨渡大渚見燈光熒熒翼舟前行雷  
電飛閃中壹似有驅策者其孝感如此居隴上赤日  
芴草雨則裹蓑笠以出晚休廬中聞寂無人了無悔





十翁手未百幸世有之自公敬

其餘夫翁對昔遊粟泉無虞吾外人

國博二百四

甄甫馮公傳

馮甄甫明州人初名若臯已更臯為陶甄甫其字方岳脩吾公季子也家世纓綉相望而君獨通脫自喜好輕俠迫之就帖括家言笑曰吾聞至人多好醉鄉遊近無復問津者請置小兒號嗔撫髀雀躍往矣性食酒供飲無章程後篤疾猶強起故作健步武以寬兩尊人憂其與人交有面規而無腹背有坦衷直腸而無軟言夢語有立談即合暴發即解而無終身不釋之憾有叩必應有應必如其所欲未嘗執手硬坐



轉睛不相屬置人緩急於度外也性好古喜集法書  
名畫遇佳山水爲橫琴作雅操一弄味其雋韻似將  
折節改絃不終以酒人自雄矣然每當志敞意得鼓  
三搥雞三號猶嚴扃門戶倉卒不聽客歸客亦不忍  
遽言去觥籌交飛排調錯出強沃之家釀不沉醉不  
休竟以酒得病下痢十日死享年僅二十有一耳君  
狀貌魁岸廣頰高準豐下目光燁燁注射人羈北時  
能控惡劣生駒馬上下山坂見者無不辟易而君執  
轡如組馳驟若飛假令君今日尚在必且散金結海

內劍客椎牛擊酒突行而前博遼東一殊死戰漆奴  
頭飲奴血退而縛罪魁魏璫磔之都市之中以快朝  
野之憤憤豈作偃蹇寒書生枕酒徒膝上老耶馮元  
仲才子也痛父酒亡亟引古今酒戒便欲毀尊壘仆  
觚斗極儀狄於羽山放杜康於三危焚醉日於秦坑  
囚酒星於天獄盡大地秫田悉化爲斥鹵荒蕪而後  
始無憾余曰不然自來酒豪如李太白死如狂旭顛  
素死嬰兒不解酒解乳死張蒼百餘歲噉兒乳亦死  
盧仝陸羽飲茶死屈大夫不餽糟不啜醕亦死則酒





東晉公先生集 卷之四十一  
豈必能盡死人也况崔魏顛倒國枋今何時哉唐鄱  
陽王素節得罪被逮路聞哭喪聲嘆曰人求病死何  
可得而尚須哭耶今君不死於病而卽死於酒勝唐  
王孫遠矣奚其悲奚其悲陳子蒲浮大白酹君牛山  
之墓呼而問之曰甌甫復能飲乎試讀我身後數行  
傳何如君生前一杯酒

澄川李公傳

公諱益亨號澄川其先洛陽人宋南轅徙武林再徙  
上海王渡至五世晟家華亭晟生杵杵生義烏訓導  
霆霆生五子長日宣曰春樓公仲日章曰海樓公嘉  
靖癸未進士歷官副使春樓公與徐文貞才名頗頌  
游成均年六十有一而舉公恣愛之異於常兒公捧  
手斂容絕無少年之過既就塾博綜六籍百家言歲  
治制舉文以百數會父沒伯兄冉冉垂暮公私交譏  
輟鉛槧應之公笑曰火傳薪燈傳火李氏書種獨不




有見在乎家無藏書手抄課之讀不丙夜不休文中  
中尺度不休甚則奇寒酷暑老兩甚風以至出入荆  
溪白門之間無跬步喘息必俱卽慈母察師不是過  
也伯子素我公嫺經術甲辰成進士令諸城已擢北  
臺已拜大理丞封公如其官而公逡巡善下與田庚  
野老游粥粥如也與薦紳先生飲於社與郡邑長吏  
飲於賓筵隸隸如也性恭儉不喜噉名市德然能量  
力緩急人賈人質米遺數金而去召還之佃戶租稍  
溢額給與之有寃而麗法者公代爲贖錢某編城且

公助之資斧始得歸其他掩河津之骸瘞僧寮道廬  
久暴之樵修東嶽祠甃橫涇石梁凡所捐施秋毫皆  
從節縮中來居恒庭訓近情而不苛大較以去泰去  
甚知足知止爲第一義素我公初令公詔之曰行濟  
人利物事加省身克已功此我座右銘亦而今日理  
縣譜御史按閩三年不獲代公曰人臣義不顧家若  
數數以家報遣聞安知一紙書不泚三尺法乎尋聞  
兩浙之命素我公以地近疏辭公大喜比通政請告  
公迎門笑曰兒歸乎此正合我意是時朝局已更張



漸露芽甲矣一時冢宰御史大夫臺察之長皆海內  
名宿偉人搏擊異類不遺餘力公竊竊爲世道憂之  
已大璫從中起盡收太阿之柄彪虎飛而食人建祠  
媚竈腥聞於天至是父不願以此名其子子不願以  
此名其父獨素我公超然脫繒弋而去之不以且晚  
節鉞之榮換晨昏舞綵之樂拭面目捋鬚眉父子故  
吾無恙也人以此嘖嘖歎服公之先見云


陳子曰往公嘗與余夜談于將袁寒齋曰僕與適庵  
蔣公少莫逆指腹爲姻蔣公以女妻吾兒今爲御史  
婦青衣紡水綿如故也吾歲入田租均分兒曹卽御  
史兒亦如之稔知其夫婦清苦雖官僅空囊耳吾不  
欲以此累寒書生與廉吏也素我公晚年得子郡中  
歡聲如雷某相國欲以女字之謝曰先君有言婚娶  
勿求高門况公甫拜相乎此事細然公家父子之德  
素可紀也亦可風也






孤姪暱如良友見緇素負隱慝不亟爲嘯讓涕泣引  
諫密祈改絃七澤公廉於官君鮮餘鑑客有以緩急  
告者以法書名畫售者強半質貸應之否則惘惘常  
累日性度淹雅能與物無忤而德矩湛然絕不見縱  
情誕節亦不聞以雖黃堅白鳴至於謁長吏遊大人  
華裾細馬追飛遂走於少年之場君非特堅塞耳輪  
且不欲安之眉睫上矣嘗借命手批南北史爲丹鉛  
塗乙不輕放一字其他摘錄異書不勝記構竹安齋  
又構雨隱軒因詠雨中三友詠間中好其詩清真媚

秀傲陶白詞亦不減柳七郎規造一舟名自在天凡  
釣竿詩卷薰籠隱囊以至墨洗管絃之屬畢具客至  
命酌清酒一觴枯棊一局醉則命侍兒迦陵弄新聲  
君按紅牙倚紫簫和之渺渺度烟際而去七澤公有  
小舸曰載石父子常相尾出遊而君獨時時入東余  
訪余揚扈典墳討論桂木申且徹夜彼我忘疲辛酉  
適越次皂林遇舟子爭道篙穿君頰宛墮二齒君嘆  
曰此宿業勿創之投謁雲棲塔受殺戒過十八澗買  
瘦藤磊柯離奇數之正得十八節遂名杖爲十八澗



挾此復遊草塲中夾山漾而歸時七澤公移家龍華  
故里君築室三楹嚴事旃檀古先生像壹似浮屠法  
俄匝歲困肺疾嗽磕嗑喘不續吁迦陵宛轉抱掖者  
百端請代請殉君不起歿於樂無知齋中有遺令曰  
肯休錄錄云擇婿勿太亟立後勿太早經營兩親壽  
藏勿太遲家產半贍宗人半作善事生平玩物分贈  
親知而筮杖杯筓則以遺眉道人爲訣眉道人捧次  
哭失聲兒曹驚怪數年來不彈此淚久矣嗚呼痛哉  
君事七澤公有至行又有苦心橐恥而不使見窘窘

神憊而不見病態情深而不使見悼亡詩一痛也  
蹤跋名塲三戰三北雖无注功名而微抱牛衣貂裘  
之感二痛也詩文吾見其進未見其止不噉名不市  
交推重於吾曹而遺賞於通都大邑三痛也中郎有  
女伯道無兒四痛也往聞廣寧破岸績綾衣彎弧學  
射於山下氣吞并州健俠兒而不意命脆蛛絲蛻同  
蜩甲五痛也君嘗戲謂我洞曉聲律類戴顓若遇宋  
文當給聲伎一部好鼓柷垂綸類張志和若遇唐玄  
宗當賜樵青釣童今釣童無恙而樵青化爲彩雲隨



風颺去吾豈復有意於人世哉君蓋指白下姬幽妍也幽妍子別有傳


研亭安公傳

安懋卿諱紹芳居無錫之膠山山有滌研亭因自號研亭居士安氏自勝國及明多豪傑鄉長者嘉靖間有如山公登己丑進士選庶常守裕州歷雲南僉憲生少峰公希堯希堯生二子長光祿署丞研泉次卽公也公自少眉目娟秀顧盼迎人舉體無凡雅有貴表僉憲公授以詩句心開意明十歲工詞翰矣稍長讀先世書動以寸計當坐枯一題下筆滾滾氣吞名流而獨好有韻語不輟少峰公呵禁之扁一室顯精



公車言遂與伯兄同褰青襟稱安氏雙玉笋是時甫  
十七娶吳孺人德素相勗公不復展轉內顧刻苦下  
帷視一第如解衣相似會貴人子爲狡獪所奔波及  
公廢書曼聲聊蕭不自得跣身金陵者久之聞少峰  
公里家難曰白門紅板桃葉竹枝豈我事哉疾趨歸  
內外之閑立解而僉憲公與郭宜人後先捐館舍公  
匍匐治喪墨瘠不能起服闋散寮裝結海內墨卿劔  
客入京都上書白寃狀投刺巨公卽陸平原謁張壯  
武王仲宣謁蔡中郎無以過也奏下南法曹首鼠者


居半公歎燕邸不可以久畱還里門得視少峰公舍  
檢奉母命析產肥瘠聽兄毫髮不以屑意家世有西  
林一片石多偉木壽藤公疏清泉累層臺構傑閣結  
幽亭蒔竹種松分蘭菂菊時時命漁舸鹿車往來其  
中客詣者稍挾片長公居亭之推轂之甚則解衣授  
餐使得所願而去公雖豪舉聞江東酒後耳熱勃勃  
若有礙膺者再上書走闕下賴劉侍御挺身直其寃  
公乃更名泰來字未央拮据葬父畢裹篋北雍辛卯  
幾入格會房考爭甲乙名兩報罷公自此半耗雄心





又苦艱子建白榆閣以祝多男連舉丈夫子五人稍  
稍喜見大宅形諸詠歌命子珩嗣其亡兄告廟行禮  
第當喪母又喪婦笑不勝啼喉嚨間咯咯失音形容  
焦悴竟不起春秋五十有八耳彌畱之頃絕無恻戀  
無瓚頂目瓚者再已而歎曰吾生平器高局遠不屑  
屑齷齪尚生產然歷盡菟枯炎涼之感瀕死者數矣  
丁卯歲幾落奸人猾胥窞中可以怖死詰闕三上書  
纏綿十三年莫適爲援者可以憤死七入棘闈不一  
售可以慚死哭父哭母哭伯兄哭婦又哭殤兒可踐

痛死嗟乎造物以六親刀俎我七情爐炭我徭役鼎  
鑪我又以虛懸不實之功名爲且吞且吐之雞肋以  
掉戲我其幸而不死者外則登眺有名山大川交游  
有文人才子內則司封公肝膽相孚膝下雛眉目如  
畫而又幸有醉鄉詩社金石鼎彝破愁懷滌塵想故  
得延歲月至此然吾豈沉湎酒人風流教主哉公豐  
頤廣額雙耳垂珠然諾不輕諾笑錯出處閨閣無褻  
容交貴游無諂骨暇卽枕漱百家六籍中過目成誦  
畢身不忍忘字臨曹娥碑畫摹大痴懶瓚旁寫蘭竹



別具一種清芬姑以自寄其蕭灑標韻而已郡大夫嘗以脩志敦幣聘公志成有良史之法詩名青萍集二京集芳草編西林纂行於世皇甫子循序其詩王元美為西林記

陳子曰余屏山澤不獲交懋卿然時時聞之吾友徐長孺曰安公動無缺彝言無判德凜凜篤行君子哉獨以沉寃未洗榮名未立寄跡交游詩酒間以夷其胸中五岳而已假令及見顧叔時諸君子雍容絃誦必且虛席為東林首座豈至偃蹇西林一片石也

陳省公先生全集卷之四十一

傳

勅封護國濟運金龍四大王傳

南昌尚岡李太公傳


江陰明善貢太公傳

葆我張太公傳

嚴峯張公傳

鳴鶴李公傳

江陵吳贈公傳



別具一種清芬姑以自寄其蕭灑標韻而已郡大夫嘗以脩志敦幣聘公志成有良史之法詩名青萍集二京集芳草編西林纂行於世皇甫子循序其詩王元美為西林記

陳子曰余屏山澤不獲交懋卿然時時聞之吾友徐長孺曰安公動無缺彝言無判德凜凜篤行君子哉獨以沉寃未洗榮名未立寄跡交游詩酒間以夷其胸中五岳而已假令及見顧叔時諸君子雍容絃誦必且虛席為東林首座豈至偃蹇西林一片石也

陳省公先生全集卷之四十一

傳

勅封護國濟運金龍四大王傳

南昌尚岡李太公傳


江陰明善貢太公傳

葆我張太公傳

嚴峯張公傳

鳴鶴李公傳

江陵吳贈公傳



紫沂楊公生傳

內史楚源黃公傳

大理寺正覺我程公傳

太學喬年吳君傳

夜臺禪師傳

李公子傳

夢鶴張公傳

友人王元瑞

伯楨父較梓

陳眉公先生全集卷之四十一

華亭陳繼儒仲醇父著

男夢蓮古澹父

夢草山賢父

孫仙覺天爽父全纂


勅封護國濟運金龍四大王傳

金龍四大王之神姓謝諱緒晉太傅文靖公安之二  
十一世孫也安與右軍王羲之好游上虞之東山其  
從姪康樂公玄分居上虞徙安溪之下墟灣下墟




西晉公先生集 卷之四十一  
之有謝自此始今屬錢唐縣治之孝女北鄉吳宋時  
諱達字明遠者徽宗時提舉淮浙見蔡京柄國遂廢  
錢塘之石門嶺及卒顯靈於鄉再傳而生緒英邁軒  
舉望之巖巖可畏髫鬣時與里中兒浴溪上獲光明  
大寶珠間一摩弄輒溪雲滃集咫尺莫可辯有神龍  
揚鬣雷電中似欲攫珠去者急以垢穢匿之晴霽如  
初緒視龍猶蠕蠕蜥蜴也稍長更折節就學褻衣緩  
帶斌斌有儒者家風性剛決遇不平事輒慷慨持論  
怒髮裂眦而起以謝太后戚晚絕意仕進建望雲亭

於祖塋金龍山之巔而隱焉題曰東山渺渺白雲低  
丹鳳何時下紫泥翹首夕陽連舊眺謾看黃菊滿新  
溪鶴閒庭砌人稀跡苔護松陰山徑迷野老更疑天  
路近蒼生猶自望雲霓性倜儻好施遇歲饑多散錢  
穀賑下墟之餓人甲戌八月大霖雨天目山崩緒泣  
曰天目主山也而災若此宋其亡矣德祐二年正月  
帝遣楊應奎上傳國璽降表元命宋內侍王埜入宮  
收袞冕圖籍寶玩車輅輦乘鹵簿麾仗等物索宮女  
內侍及諸樂官三月伯顏宣詔免牽衣繫頸之禮趣




陳香林先生集 卷之四十一  
帝及太后入覲太后全氏與帝肩輿出宮度宗母隆  
國夫人黃氏庶僚三學生等偕行獨太皇太后謝氏  
以病畱臨安忽元人從宮中昇其牀以出侍衛七十  
餘人同赴燕緒大慟題詩云立志平夷尚未酬莫言  
心事赴東流淪胥天下誰能救一死千年恨未休湘  
水不沈忠義氣淮泥自愧破秦謀苕溪北去通胡塞  
畱此丹心滅虜酋莫笑狂夫老更狂推輪怒臂勇螳  
螂三軍未復圖中土萬姓空悲塞外鄉動地聲名懸  
宇宙擎天氣槩蕩邊疆忠心自古人人有莫笑狂夫

老更狂書畢赴水死時茗水洶湧高丈餘狀若龍鬪  
緒尸逆流而上經旬不仆面目如生遠近駭以爲神  
祔葬於祖塋金龍山之麓元末鄉落皆夢緒爲神曰  
中華有主矣黃河北流此其驗也明年春當有呂梁  
之戰吾且提甲騎助之丙午春黃河果徙而北 太  
祖取臨安二月元擴廓帖木兒遣驍將左丞李二來  
寇時傳友德守徐州將步騎二千餘沂舟呂梁舍舟  
陸戰戰陳中見金甲神行空橫掣刺副將韓乙於馬  
下此神預夢助戰之驗也其後往來擁護漕河猝呼




陝省公外生集 卷之四十一 三  
猝應往往憑巫傳語如呂梁朱旺直沽口處祭賽無  
休時或舟膠拔之於泥壅塞之下或舟覆脫之風濤  
熾險之中輓卒販商南北往來於祠門者惟神是恃  
合手稱金龍四大王焉天啓辛酉葉少師向高抵淮  
陰遇積雨河漲二十里淺不容舟因操文以祭突一  
人躍起降爲神言此河屬張將軍吾將問之若護送  
外河者我也已又一人爲張將軍言更數日乃可濟  
神曰此太遲不可張將軍曰詰朝水立至可通矣晨  
起水暴添數尺舟人歡呼牽挽而去葉公旣出又禱

於神曰更龍以便風送我乎乃一日而抵桃源次日  
而抵宿遷頃刻走二百里四年丙寅蘇公茂相督漕  
漕舟鱗次涸不能前當事者皇皇束手無策神降言  
如爲我請封則尅期以水報蘇公許諾疏出之日洪  
波湯湯萬檣飛渡尋得 旨加封護國濟運金龍四  
大王或曰神亦歆於封號乎余曰昔晉楚治兵子玉  
夢河神求環弁玉纓子玉弗與晉果敗楚師楚人歸  
咎子玉且神禹治水委宛之神奏玉匱書得赤珪如  
日白珪如月水府鬼怪不勝數而亦何疑於神乎五



陳子曰予觀謝文靖太傅家世何其多偉人也晉肥  
水之戰破走苻堅進兵過潁經略舊都平兗州患水  
道險澁督聞人爽謀堰呂梁水立七埭擁二岸之流  
以利漕運者非康樂公謝玄乎建炎中虜犯京師有  
旌旗鐘鼓見像空中虜驚遁去庚子元夕夢於鄉民  
亟開四井泉以蘇大旱咸淳勅廟於靈惠封其神曰  
廣應侯者非謝公達乎聞謝太后北轅投水僵立葬  
金龍山稱金龍四大大王者非謝公緒乎其後死節曰  
謝枋得痛哭於釣臺曰謝翺以至文正遷而下如謝  
傳後以俟博古者考焉

陳子曰予觀謝文靖太傅家世何其多偉人也晉肥  
水之戰破走苻堅進兵過潁經略舊都平兗州患水  
道險澁督聞人爽謀堰呂梁水立七埭擁二岸之流  
以利漕運者非康樂公謝玄乎建炎中虜犯京師有  
旌旗鐘鼓見像空中虜驚遁去庚子元夕夢於鄉民  
亟開四井泉以蘇大旱咸淳勅廟於靈惠封其神曰  
廣應侯者非謝公達乎聞謝太后北轅投水僵立葬  
金龍山稱金龍四大大王者非謝公緒乎其後死節曰  
謝枋得痛哭於釣臺曰謝翺以至文正遷而下如謝






陳希公先生集 卷之四十一  
君錫兄弟掃先墓修家廟有事必祝有祝必答有答  
必如響卽神之十四世孫也非真正神明之胄何以  
得此哉

南昌尚綱李太公傳


李太公世居南昌之滁槎自少警悟涉世以後圉圉  
然埋炤息機處約味道壹似顓愚木魯人榮利聲聞  
視等嚼蠟三十二喪妻弗續手饌飲食以飴老母遠  
巡於釜甑瓶壘之間凡四十餘年掖母杖而行木有  
痕踵母跌而立磚有穴偃僂朝夕嚴淨精勤雖女厮  
輩莫得代也子卽太史公明睿少好嬉薄暮未返倚  
扉待之歸亦不課書程曰兒曹蚓則泥蟠龍則天飛  
冥冥中宰物司之何與乃公事而若督促爲吾笑里



中兒僥幸博得一官結駟傳騶高門大宅不過招邀  
呵殿以爲里巷觀於身無毫髮之益而元氣有丘山  
之損天竺古先生吾師乎尋常兄弟中單寒者分餘  
瀝啖之子侄之伏於尺度者爲似教似諫以勸勉之  
未聞訶詈罵譏聲達於墻屋而人亦無髮許事啣恨  
公惟齋心諷誦金剛楞嚴諸經而已曾見其少年結  
毘爲中嗜不肯捨織網爲漁丈人竟日不獲一鱗自  
古奇人必多奇癖如先生好結毘玄真子釣不設餌  
志不在魚張無垢屏足倚柱讀書者數十年久而成

坎以今觀於太公古人豈欺我也太公名溥錦字尚  
綱號貞所兩泯 恩綸崇禎元年晉封翰林侍講癸  
酉春秋八十太史上章省覲前此廷臣乞假例未俞  
允太史得 旨甚溫 賜金繒給馳傳歸壽太公於  
里門士大夫艷而美之

陳子曰此太公孝子篤行之報也太公無後妻非獨  
善護兒正恐其不善視母也無令左右上食恐不得  
母歡也無嗔怒孝經所謂愛親者不敢惡於人也敬  
其穎而爲樸塞其悟而爲愚援神契曰庶人孝曰畜



陳希公先生集 卷之四十一  
畜者含情受樸以畜其德則其親獲安也孝者教也  
教孰大於孝而謂李太公生平無意教兒吾不信也  
閩中石齋黃先生得道君子也太史其緘吾傳以質  
之


江陰明善貢太公傳

公諱賦字明善別號暨陽其先大名蒲城人宋南渡  
徙宣城始祖師元又徙江陰三傳而以科第起家曰  
斌爲戶部員外郎生子曰學靜爲南臺御史劾瑾璫  
廷杖削籍再召山東僉事學靜之季子爲龍陽翁龍  
陽之季子爲暨陽公少開敏落筆有雋聲屢試被放  
因太息廢書代翁支大役腹算口占不屑屑爲織膏  
機利周孺人櫛束舍人兒又甚整而賢家以此漸饒  
龍陽翁迨遙寡營但召酒人爲轟飲飲且盡一石苟



指公笑曰老人臨食不嘆甘寢不魔此伊誰力也公與伯兄暱所居距數里餉遺書訊不絕兄中危法公傾貲挺救始無恙退亦無自功之色性伉直鬪爽遇可恨人及可駭事輒颺去不則痛詆之卽名流貴介凌折無所憚酒後耳熱面摘人宿垢隱癢聞者口噤手顫幾欲穴地入而公刺刺不少休諸子跪諫之公咤曰汝欲我爲無口瓠耶第善詈旋亦善忘舌有肝腸胸無柴棘雖置公刀俎上公飲噉狂笑自若不能難也公恨不竟儒而癡書甚於儒者每讀司馬氏資


治通鑑手錄忠孝烜赫者粘之座右以代義方又念南渡後宣城陽旰晉陵之族散佚不收纂成貢氏譜二山君癸卯舉於鄉公志意益發舒與周孺人陰爲德甚力撫兄孤迎王氏孀婦養之終其身不脩故鄉不闢戶外事藝名花灌脩竹傾尊仆斗奏肉飛絲燭跋雞號未聽客去邑令肅公爲賓飲公笑曰田更野老不能與子大夫相周旋請辭公酒杯流行諧笑錯出似狂爲人畫策解紛不顧毫髮利害似俠清議格物嘗持是非名教以誦其座上人似慙陳子一言以



蔽之曰貢太公古之遺直也公歿後二山君成進士  
宰東陽推卓異第一其諸子皆以文行有聞於時  
陳子曰世人談笑有鑠邪故秀鐵面以嗔作佛事世  
人對面有九疑故灰袋道士張口如箕五臟畢露古  
之得道者如此而又何疑於太公乎太剛則折公不  
以剛損太直若曲公不以曲免孤行壹意得全其天  
爲布衣則公爲繡衣則抗疏瑾璫之名御史家風剛  
直易地皆然信貢氏祖孫之有種也


葆我張太公傳

傳者傳也博物志云賢者著行曰傳潛德升聞則國  
史書之隱行未曜則野史記之太羨張公曰某之獲  
宰華亭也竊欲爲家君不朽計而二史氏適相望於  
邑中董宮保八十矣陳布衣七十有七矣或華國而  
文或謀野而獲此天有意於太公而賜以紛披之老  
筆也敢以傳請太公名萬全字得昌號葆我張之先  
河南固始人也勝國有司訓建州者徙家延津入  
皇明高祖秀公登弘治丙辰榜歷戶曹郎正德時犒



大同軍忤劉瑾逮獄幾斃是生庠庠生東魯東魯生  
孝廉應詔知廣之和平縣卒於官公方弱冠與其喪  
而歸廉吏裝如水析產不能具數金公曰此非所急  
急在養寡母振家聲橫經殫史援筆數千言滾滾立  
就才名鵲起黌序中無敢衡敵者會三兄淪喪孤寡  
寡依公駢煩肩劇料理養生送死之事力盡則吾個  
繼之夫婦拮据萬端劉母頽齡嬰疾公先意迎導彭  
孺人復捐簪珥以佐甘毳偶得一食弗敢嘗跪上之  
劉母未嘗見情容戊午劉母得異夢寤而喜其昌兒

獲雋兆乎竟弗驗鬱久病困公侍床第間藥必驗方  
方必嘗藥久之貫串岐黃鵲意之書雖專門名家自  
遜弗如也家貧無女厮代役公與彭孺人扶掖劉母  
手滌其穢垢垂七月餘劉母顧而嘆曰孝哉兒婦後  
且大我門恨吾不及見耳遂瞑公伏地號咷幾至滅  
性舉家病僵卧衆咸指爲疫避匿不敢前公強起視  
殮葬叅酌禮經言終不累稚弟及藐諸孤也公身在  
草土執經而請者甚衆公曰我思古人蓼莪罷講而  
忍儼然據臯比上耶卽以讀禮所得者與貧窶高才




生共質之使人心目俱悚退而多所知名皆從公爐  
錘中出公壇宇嚴勁恂恂若不勝衣脫有不平輒義  
形於色遇吉凶緩急身先赴之小者傾助大者爲禦  
侮解紛粹有求公者未嘗以出亡爲辭厚德鎮浮熱  
賜任俠自其天性然也家有祖山名磨窠簪纓纒纒  
不絕族之無良者轉私於儼竹封公將營葬其母公  
引宗訓力捍之族人惡聲隨其後乃封公獨嘆服曰  
葆我弟詞氣嚴正不可動也遂寢甲子使君調鼎登  
鄉書識者額手稱慶天報孝子不薄矣盍少休乎公

蓋自負曰吾方如灞陵老將氣吞幽燕諸少年肯坐  
受兒封乎卯午兩戰棘闥罷歸偪彊如昔辛未使君  
成進士令華亭亟迎公來公聲跡俱闕候人洒掃津  
亭竟不知公已入署中矣癸酉復欲促裝歸試使君  
牽衣諫曰大人積學何難收之系榆卽刻日天蜚蓬  
蓬亦不過蝸角戰虛名馬背續殘夢耳簿書委頓大  
人實耳而目之何如父子祖孫聚頭磕膝之爲快乎  
公聞言俛首而笑仍作呶呶遊戲爲舉子業曰吾以  
降壯心且消永日耳使君無以娛公參馴鳥於簷前



蔣名花於堦下公爲一再解頤又見當事交口推轂  
公乃笑曰兒若此老人飲水飯蔬如享大官饌又聽  
孫雛讀書聲雖數部鈞天樂何以過此自是歸謀覺  
漸冷矣公食貧四十年其慕義也若渴其遠利也若  
晚鄉後進肅爲人經之師而使君又能服膺庭訓奏  
三年最書 天子且制詞褒崇其所自出以播令  
名於無窮蘭臺石室之彥採聽於公評者則有太公  
之小傳在

陳子曰功名之際未得如射覆已得如嚼蠟公行年  
五十而不忍釋舉子業者何也蓋公孫弘曾晚合卺  
程伯子亦未免見獵之喜耳而何疑於太公雖然眉  
道人三十謝諸生退老於山陬水涯栩栩甚適也衰  
而史不加貴布衣而史不加遜也太公讀予傳其亦  
可以欣然一笑矣





儼峰張公傳

張公諱美字彥夫別號儼峰居士世居上海之北橋  
里有貌腴而多髯八十曰耄者爲山隱公其祖也身  
偉而長脩髯垂膺七十而加五者爲古峰公其父也  
古峰舉二子長曰見龍次卽公少嫺經術屢試不售  
因退而精討形家言古峰公嘗著分金拔萃三元造  
命等書術甚秘授之伯子見龍行於齊魯江淮間授  
之公行於里公清坦簡直遇人無貴賤輒頽好語下  
之卽老雨甚風嚴寒奇暑輒請輒應而寒士貧無所



報謝旋應復如初不故邀聲價不詭談禍福久而奇  
驗若神衡門以外綦履相錯羔鴈成羣矣公四十無  
子卜宅墓皆吉不期年生子卽載寧君中甲子榜舉  
乙丑進士而公庚申已先歿歿之時春秋七十有八  
其家蓋多壽種云公事古峰公極孝供甘毳搔癢  
雅得其歡心每得見龍渡江書咨問動定以爲憂喜  
有女弟嫁丘令君其子履嘉又早達歲時從秀州來  
啓居公嚴事之若父公以此志意得發舒了不知天  
壤間何者爲菴爲枯爲炎爲冷一切付之逍遙詠歌

而詩亦多高勝之言家居東郊時與比隣間老叟談  
說稼穡花竹以爲常客至茗果間進家釀園蔬翛然  
甚樂也公自號湖山寄隱士大夫爭爲詩文以投贈  
之真郡志隱逸傳中人也


陳子曰吾聞吳郡高逸有兩人一曰張翰一曰張昭  
翰以天下多故托尊鱸引歸鄉里昭色養兩親親亡  
衣不綿帛食不鹽酪者數十年未五十而終子胤俱  
絕公身際 五帝清朝年享七十外上壽載寧雖不  
及祿養然大官醞五鼎食尚可拜而薦公也子胤滿



前尊鱸不乏方之兩張公所得則已饒矣載寧孺子  
之啼是亦不可以少自寬乎


鳴鶴李公傳

鳴鶴李公諱可教字受甫上海人卽聘辟不應仲昌  
之後也仲昌生守中守中生原芳原芳生珙珙生伯  
璵宣德元年舉於鄉官淮府長史生十子長曰澄天  
順元年進士官福建叅議次曰清景泰五年進士官  
湖廣左布政八曰深淮府儀賓四曰湛卽公曾祖湛  
生貢士傑傑生煥然爲晚峰翁翁得公最暮十二善  
綴文貞齋趙翁試一題援毫立奏遂遴爲贅婿子視  
之十八補庠生才名烏奕弟子北面者屢滿戶趙翁




陳希公先生集卷之四十一  
連舉二雄公謝曰某可以歸矣歸則舌佃以供兩尊  
人具甘毳甚腴晚峰翁爲撚鬚捧腹幾忘其貧翁亡  
諸子驚遠遊獨公拮据治喪造次纖悉准禮家言無  
憾行營善地不惜罄產贖坏土於祖墓旁費且鉅匪  
不令母氏知也四子迎養母母過從公頗數曰老人  
非私少兒但覺兒夫婦酷知我痛癢冷熱耳公授經  
他所母疾輒怛怛心動逆歸欠身榻旁爲揣色聽聲  
疾良已飲食衍衍者十餘年已棄杯棬公墨瘠焦枯  
幾類死孝卽春秋饋奠循作孺子啼目爲之肯而篤

愛典墳有皇甫士安之癖每念先世儲書積至萬餘  
軸嘉靖間倭奴闖東郊舊居委書泥淖中填踏而過  
自後不復更能收合則多方訪購之自六籍百家以  
及山劔冢刻之屬皆抄纂標序細加丹鉛揮汗呵水  
眠食減損碎叩之某事云出某書某卷某行且指數  
以對鈎引貫串應聲如響卽容軒公集與武經註疏  
其手跡歷歷猶存蟻鬣蠅頭可念也龍郡丞念公久  
困學宮將無爲風氣所鋼移文更之不允公笑曰雄  
飛雌伏宰物自有權輿老蠹乾螢此儒者事也遑問




其他於是下帷益淬勵課趙氏二子皆補諸生以報  
貞齋翁而程督逢原逢申不假貸小拂意爲攢眉愁  
嘆二子見之凜凜甚於鞭笞董中立貧而才垂三十  
猶試童子科公器賞其文妻以女次年遂登賢書宗  
人敬庵君素封艱嗣雅屬逢原公曰非望之福道家  
所忌暴得萬金不祥見何德以堪之請辭已而聚族  
爭立立者之產悉殉於仇家而訟終不解公潛爲營  
救得免而身則泌水衡門朝絃暮誦父子熙熙如也  
事伯兄女兄謹兄之女適倪而發公不絕餉遺旣歿

祭葬皆成禮與配趙白首相莊六十年如一日介行  
矩步鈍口辟容倦倦以惜福擇交爲第一義不見羶  
熱貴游亦不喜赴讀法鄉飲禮曰山衣田冠未爛磬  
折所善惟闇然篤行長者而已丙午逢申捷音至公  
笑曰差慰寂寞已罷免歸亦不色愠曰兒豈薄孝廉  
乎吾家養菴公何如人也逢申結草堂於笏谿之南  
公過而樂之賦詩云此堂未易言卜築寒士三年構  
一屋砌石栽花見遠情板橋曲沼成幽谷從古豪門  
關麗華只今何事從邁軸愛我郊西半畝宮歲歲春



陔叢公父生身 卷之四十一  
風醉醺醺其他登臨觴詠率本之性情而無郊寒島  
瘦之病晚年目疾詩亦屏去強半茹素奉竺乾戒甚  
虔笥稿不畱今逢申僅刻十之一曰碧梧軒詩系與  
密軒希獻兩公並傳鼎足不朽矣逢申以萬曆己未  
舉南宮拜慈谿令聲績著聞甫擬奏滿而以今皇  
帝御極覃恩贈公如其官


陳子曰李氏自洪永宣景天順以來纓鞞蟬連門業  
比於王謝及公已貧甚而孜孜好善好書老而不倦  
豈非真清白吏子孫乎古者賢良文學坐持國是之  
平御史大夫跪受濟南之簡晚至宋儒經行可觀天  
子用宰相奏選書吏給筆札錄其書藏之秘閣中今  
公經明行脩豈出古儒者下而綸不挂半通養不待  
五鼎識者相爲惜之猶幸身沒以後慈谿君捧譽命  
告於泉臺鐫詩系傳之菽苑積德於子孫者必貴積  
書於子孫者必文誰云天道無旻契乎易曰鳴鶴在  
陰其子和之公父子之謂矣





陶翁公外生集 卷之四十一  
二  
哉貧也惠無大小期於及時今吾家炊煙未寒盞漿  
釜具卽龜勉度歲甘之如飴因莞然微飲而罷熊孺  
人名家女而善食貧踟一壁煬一竈斌斌有德素之  
風憐愛仲子弘功甚課督精嚴凡家常饑噎飽喜乾  
啼濕哭一切不急絮煩事勿使聞之且未嘗一入尊  
孀之耳尊孀漸衰貲計日益索賴公與孺人持之堅  
仲子得不徙業丙夜孤檠熒熒相對曰吾非膝上兒  
兒非膝上書豈復有送窮策乎仲子學大成中天啓  
乙丑進士初令東陽再令如臯又調江都壯邑課治

行高等推銓曹郎者再矣公先熊母卒而仲子之成  
名不及見也熊母見而鸞書象服不及待也迨崇禎  
三年用 覃恩追贈公爲文林郎熊母爲太孺人錫  
之 勅命其詞甚核而歟董宗伯爲正書勒石并爲  
之銘而仲子猶未已也曰吾父工於樂道拙於謀生  
生不願乞貴人銜而喜得山澤一言以爲重子爲我  
傳之以章穀子食子之報余曰贈公楚之奇士也不  
借文以傳而更不欲借不傳之文今閩有能不朽而  
親者爲石齋太史魚服過江都盍往而求之以奇遇






奇度必有合也添頰毛開生面當攝活贈公於毫端  
耳若不佞僅能撫公之生平以具郡牒之稿草而已  
曷足重乎曷足重乎

紫沂楊公生傳

往余謁淇園先生於家肅余飲則紫沂長公在席先  
生事兄甚恭謹不敢以厲行薦也淇園先生歿長公  
哭盡哀曰吾弟已矣寧復有奉我如嚴父係我如嬰  
兒者身後之事吾將託之以傳而詎意其先我逝也  
居恒家庭飲食間口眉道人<sub>不</sub>置曰眉道人且以我  
爲不失赤子心則及身而能不朽我者非陳子而誰  
於是勅仲子入山請傳公名廷策號紫沂仁和芳林  
里人南京工部主事南泉公之孫贈光祿少卿蘇門



四和公先生集 卷之四十一  
公之子少京兆洪園先生之兄也楊故世族其先居  
官廉倭燬其廬蘇門公舌佃養菽而公佐之幾廢書  
已下帷二載補諸生娶程繼菴女爲配身力作積織  
微累得百五十金權子母而息之稍拓故貲而未幾  
中道先逝公嗣是且耕且讀棘闈三朋援例入成均  
再試踴翼更多尚平婚嫁之累乃謁選得雲南白井  
提舉斤斤以清白自勗建橋梁通水利設哨兵立義  
冢均滷修井甃道路二百餘里滇老穉至今德之鑽  
璫楊榮勢張甚白羊郭賓等良民也榮遣人捕治之

遠近皆震恐揭竿樹幟謀而前禍且不測公挺險招  
安不解則多方調護必兩全而後已郭賓等感激再  
生囊金壽公公厲詞麾去曰清白吏子孫而納暮夜  
金何面目登先隴乎時有亡命者挾仇投沐府中輒  
遣銀璫攢擁之而去強半無活理公嚴禁不容出境  
仍請憲示痛抑之孱弱藉以安枕鹽長沿陋規科索  
無厭公一切謝絕但督之輸辦正額漸次以完累年  
之積逋而已攝篆姚安治民一如白井而尤加意蠲  
序核品題以拔名流置學田以資貧士建奎星閣以




睽泮宮以培風氣一城斗大科甲纍纍於是徐鄧二  
公聯翩脫穎而出矣公居官恬雅不刻急以示威稜  
批決如流洞入肺腑案牘五百完其四若不可究詰  
則具繇銷之訟庭若無事犴獄若無人竟以疎節忤  
要津忽爾左遷上下交挽不能留拂衣而歸歸田以  
後祇事兩親筍輿葉艇追隨爲山澤之遊度曲徵歌  
借作菜綵非以自怡悅也家園公署淇園先生必與  
偕一食之甘必共分一事之快必共聞一族之可否  
必共相咨議關央先生不敢孤行壹似目無家督也

兩親未葬挈堪輿行營高敞卽奇寒甚暑風雨載塗  
匍匐空山藜菘中不憚勞勤濟邊賑荒輸粟唯恐後  
烹廟賜綽楔旌其義而困積若掃矣遇人急難羸  
糧躍馬而赴之肝腸則熱如湯火訂約則明若秋霜  
久要則堅同金石有友人以貧來歸者爲授屨給糲  
死後經紀其喪贍孤發不絕也感念程孺人恭儉成  
家語次涕洟加禮於外父母生養死葬五十年如一  
日臧獲有疾延醫射視之偶進薰言則又改容樂受  
之獨不耐巧簧之舌腹背之交感恩酬德沒齒不忘




小邨微嫌渙若雲霧以魯恭士伏不關之至柔而兼  
 無懷葛天之太古故曰楊長公不失赤子者也晚年  
 卜築西泠之畔藝竹種花讀經史劬及天官地志卜  
 筮軒岐稗官家言客至命觴清言達旦每謂身心收  
 束必有歸着邇來禮誦奉古先生甚虔同堂兄弟九  
 人宛如同胞課子孫方嚴而待諸姪輩恐其以嚴憚  
 稍假借之善氣薰蒸家庭雍睦長男倅潮州先亡次  
 純之才名籍籍識者以木天望之矣公壬申七十有  
 八善噉健武日月未央而乃以身後不朽為托將無  
 過計然淵明之自為志也樂天之自為銘也司空表  
 聖之笑飲於壙中也高明玄解之士以賢達許之而  
 又何疑於楊長公生傳故不辭而諾之以代家乘可  
 郡乘可百歲後樂丘之石亦可



內史楚源黃公傳

國初置中書旋易侍書入文翰館後仍中書楊文襄  
 有言曰中書存古制也典司辭命封誥借詞林尚璽  
 省垣同爲侍從臣若淹通弘雅文行卓然者吾得楚  
 源黃公一人焉公之先出江夏元集公後元集東晉  
 時守新安有遺愛遂家歛之黃墩後從祁左田及休  
 龍灣則黃氏之陶復也由太紹傳仲清不應徵辟五  
 傳真璽公生金公公生勤公中年遭回祿夜分火  
 光燭天公驚走母所跪而泣負之出烟燄中人比於



漢孝子黃童云勤生公諱道克字於秦號楚源神儀  
秀異重願修髯目者心偉之少任俠慕郭汾陽李臨  
淮韓蘄王岳武穆之爲人好讀書自經史及四部九  
流莫不囊括初遊南雍同舍生毋敢罵行兩奏闡贖  
落乙榜奉太公命應詔入中祕怱慎恪勤以染翰受  
知 神廟賫白金迨 光廟建儲恩獲封父母如其  
官晉公階徵仕郎癸卯遣公餉漁陽經北平訪飛將  
軍射石飲鏃處謝却厨傳例悉以佐邊薊門諸將吏  
重公謂鳳閣乃有廉舍人耶使竣還疏乞終養走太

岳謁紫霄祝太公維祺之壽太公歿毀瘠不勝喪廬  
居三載服闋有勸駕者公笑曰而以我爲文犧也而  
趣加之狙乎時逆闖干紀進退朝賢如廢置家監公  
不樂遂退偃立樊與遠近勝侶浮沈詩壇酒社間淋  
漓翰墨非鍾王顧陸弗道也洪飲如酒龍百斗不醉  
時命吹鐵笛自爲羽聲復與客角韻鬪奇得佳句拍  
舞僊僊有雙鶴展翅向公嘹唳馴年餘伏兩雛甚異  
性妮古所藏古法書名畫夔尊薑鼎螭匭鴈燈之屬  
考款識辯歲月有賞鑒如意者立揮數千金不惜居



恒雅意恭儉好爲德於鄉太公有腴產意徵屬伯仲而不欲明言公曰拈鬪得之亦讓不得之亦讓太公喜會堂成遂以咸和名之宗祠未就捐重緡以竟先志今宗人祔公配食其中伯兄歿哭如喪父有豪姓齟其墓遂者公挺身直之太公有趙姬賢而無後公生死事之執庶子禮處士吳次魯先生七十五舉子公以女約爲婚姻吳謝非耦公往省疾義不食言手之生年置其床頭而歸中表戚客死武林喪無所歸公葬之南峰之麓程少尹屬貲於僕僕亡金

計窘謀投繯公償如亡數乃得免戴叅軍旅京邸貸公錢息且倍將鬻產公聞卽取券裂之曰無貽若後人憂遊楚見途次暴骨縱橫令輿人掩之輿人曰無主之尸恐來飛禍公曰心目甚慘縱有禍吾願當之孤雋寒微欠身自下得其一二莊語輒稽首謝敘聞非義事手窒耳填而去之里有違言慚悔共相誡毋使黃公知縣大夫修乞言禮賓饗公固辭大夫于旌請門公始一赴家居十五年登東臯俯清流解飛羽縱遊鱗歲集族子姓爲社徵經彈史外好探子雲之




奇字劉歆之古文雖耆儒老尊宿不能以麈尾送難  
也春秋六十有九先是里中夢天樂繚空公端袍笏  
擁幢節出公第如騎雲烟而上升者公豈尋常塵瑤  
間人哉克讓仲兄有薛包遜產之遺意不負死友有  
延陵掛劍之高風好山水則禽尚也鮑釋芑則宗雷  
也鑒法書名畫則米敷文黃霄賓也以玉環金題爲  
洞天清祿以課子教孫爲經訓菑畬海陽新安多名  
族如楚源內史能一二指屈哉公有休陽詩雋北遊  
稿合刻爲聲園集因自署聲園主人又曰稱烟蘿居  
樂與騏驥皆朽獨有身後百年之定評差可開眼前  
一時之笑口靈爽如生歆此杯酒





大理寺正覺我程公傳

公諱夢暘字于賓自號覺我居士梁忠壯公後榆村  
太醫丞梅軒公之孫光祿少軒公之子也祖父以素  
封甲里間婚媾皆上衮母陳氏娠時夢朱轆者乘軒  
蓋入門遂產公厥聲煌煌具大人相寄掬外家朱不  
好兒弄既弱冠通敏綜公車言才譽籍籍會稅大瑞  
陳增來新安程某爲增幕客怙勢飛食人垂及梅軒  
公梅軒公曰誰能紓目前禍獨三郎任俠可使耳公  
應聲投袂而起與所善一水程翁謀走彭城叩鑿璫



賂之金陳說利害百端璫心折減額五之四其幕客  
宵遯去新安禍遂解皆額手喜相告曰程郎非特有  
懸河口抑且有斗大膽耳久之改太學適遇神宗  
恩典授文華殿中書輦下習公名車騎呵殿相屬而  
公杜門就典籍每見異書必購置左右客至爲焚香  
揮麈摩挲古名跡相對品題稍久出觥疊佐之卽累  
晝夜未嘗告疲梅軒公子姓繁衍公以故址讓諸昆  
壹意獨創築室隔溪鱗次櫛比又大闢堂構於瀛山  
之間長駕遠馭恢弘先業視祖父不啻過之矣性恢

豁坦夷和氣可搏掬卽掌計者侵牟負心者狡譎公  
秋毫不以屑意先是中翰公某嘗負咎於少軒公公  
陰爲調護務氓覺端旣而中翰喜豪舉客漸落實朋  
亦漸稀公嘆曰弟往日聚羶今日羅雀昔翟公有署  
門之書劉孝標有絕交之論將無類是乎多方緩急  
捐貲無算迨中翰病歿則又爲治喪哺孤思禮篤摯  
其他撫三庶弟皆此類也少軒公彌留時惓惓以未  
獲終養朱母爲泣已朱母捐栝椽公痛如孺子啼一  
切爲父報朱者惟力是視卜葬父執紼者數千餘或



規其過侈公謝曰喪不惜財然後倣於心無論郭有道陳太丘卽會葬原氏阡者何人哉吳孺人肅括壺範公相莊如賓更不復置一媵娣被服樸素無陪鼎加邊而聞遠餉告急則捐金入助爲海內先神考特贈秩大理寺右寺正加四品服賜詔表宅里褒美之嘗詔其子曰而祖若父所活人不下千百計食德有報爾曹勉旃於是延知名孝秀課督七子絃誦不輟聲寒暑不輟業績文砥行蜚聲膠庠國學中長君官內史會 熹宗登極恩繆封公如其官公喜見顏


色乙丑有子九萬讀書苦溪染危疾計聞婦金氏絕粒三旬死當路以節烈聞於朝公鬱鬱悲悼彌甚竟以丙寅夏不起遠近聞者爲咨嗟嘆息有停斂罷柩之風其季弟哭曰誰與我共觴詠爲山澤遊叔弟自豫章歸哭曰誰輸金助我誰輸腹心推我撫棺慟幾絕其得宗黨內外心如此公亡不三年新安一二巨室橫挂逆璫網中而百昌爲公姻季白爲公弟其被禍尤烈假令公在老謀壯事度能慷慨畫奇策爲兩家解紛如陳增開採時故事不幸公前沒使巨奸逆



陳晉公先生集 卷之四十一  
璫刀俎兩家幾盡而禍且蔓全歛無不竄而避之四方者乃知公存亡繫里中安危不淺矣公嘗乞梅軒公墓志於予脩眉廣頰方口豐頤與之談豁達磊落翹然俠丈夫也


太學喬年吳君傳

吳仲子名昌齡字喬年侗儻磊砢有心骨氣誼人也仲子出唐御史少微公後十三傳爲省吾公子懷慎生仲子仲子兄孺祚長當戶仲子嗣寧甫伯後疎瘦而神腴讀書攻苦負大志賤賈筮小試不屑去游成均同舍生頰首出仲子下四門先生目異之曰他日當着木天一席地湯太史霍林素慎許可手其文嘖嘖有國士之目仲子亦賈勇氣勃勃摩壘先登將立拔漢幟會疽發操不律如千鈞撤闔痛始定入蓀谷



山蓋鹽風雨神明湛然也戊午再蹶嘶天驥而怒神  
鷹佗條無聊遂以酒兵觴政召客飲爲歡雖勉自慰  
藉而羸乃轉甚日約臂月小數分輒病病輒念老母  
在未可死伯兄遠遊不卽還未可死爲吾父後兩觀  
僅狐狸而未封馬巖未可死子女九人差肩而立待  
婚嫁未可死傷哉仲子竟死今日耶死而坦化預示  
其期曰吾師吳長卿且至至與訣及語壘中一二事  
炯若前知者但曰吾心空湛圓明但本人欲去耳豈  
宿世學道人飽叅得力如優曇花一現不再現耶敢

其生平則徧禮諸名山繫絆芒鞋崎嶇數千里出入  
虎穴蛟窟中爲母祈祝長年蔬腸蓬首虔事螺髮老  
耆舊聲氣爲之俱屏待諸父外戚如同室親故友生  
死爲經紀贍孤如已子遇歲時展祭涕泣如初喪以  
至埋齒掩骼封樹津梁爲魚鳥贖命爲荒刹塗堊爲  
雲水施齋廣慈緣敦厚誼不事豪舉爲名高惟孜孜  
爲德於鄉如恐弗及新都素封如棹諸吳亦望海內  
若不藉故業而志颺千秋舍仲子指不數屈矣惜哉  
骨體文弱養雖類於木雞才藻清英名不登於金馬



文入無命才子無年吾不知天生豪雋之意竟欲何  
爲此遠近嘆息咨嗟恨不起仲子於九原而問之也


夜臺禪師傳

夜臺師西蜀人少習導引辟穀之術遇大智師於峨  
眉雜髮受戒辭師至終南伏牛又至五臺服水齋作  
務不輟山中患虎師謂衆曰業畜囉吽何不訶而遣  
之衆笑不答師日則靜坐夜則游臺衆且疑師孟浪  
試以小物雜置巖窟間語師曰吾遺某物在某所過  
時好爲我尋覓師至曉果持物還歸之衆始驚信以  
爲真五臺方圓五百里暴風怒號走大石吹驟馬如  
掃葉相似師棕衣棕帽手握鐵杖杖掛十二環每風



起憑杖堅立風止卽行有時昏黑墮陷坑谷中鐵杖  
垂起而師無恙遇虎卽投身示之曰汝噉我結一小  
綠遇鑛賊振錫環響賊遙呼曰夜臺師懾伏不敢動  
大雪滿山衆負錘跡師雪中師已僵稿雪埋腰膝間  
衆昇歸置熟火土剉上沃以湯稍久乃甦復夜行如  
前矣師夜中時見燈光野火猛獸鬼怪親見文殊或  
爲老比丘或爲美好媚女抱嬰孩赤裸下體頃刻不  
見如是夜游二十餘年天下釋子皆呼爲夜臺和尚  
癸卯入京師中官欲圖寫師像堅執不許強以師破

衲進 太后賜鉢杖及紫欄袈裟一襲師送入清涼  
山紫府院中居恒蒙茸故衲而已師先於塔院寺設  
千盤會於龍泉寺設龍華會皆四十九日又於峨眉  
五臺各鑄幽冥鐘一口重萬三千斤又於普陀峨眉  
請藏經二部又於九華設水陸道場所至皆爲 皇  
上 皇太后祝釐萬年內賜鎚粟分賜靜室及諸貧  
僧鉢兩尺寸不入私橐故久而禁廷益信之師出嘗  
遣中官與俱 魯代荆諸藩邀師府中師畱數日或  
半月卽別歸虜婦三娘子曾遣譯迎師師謝不往虜



送名馬二十疋內大青馬能行數百里師養之老死  
櫪中師往反四大名山精神兀頓由蜀至廣陵忽病  
作道人某斷指入廩冀師疾愈師呵曰出世人豈效  
見女子所爲吾期已近矣是時疾已瘳買一巨舫設  
水陸像放談口不絕庚戌十月由通州渡海過福山  
欣然欲畱先遣散諸弟子獨畱老道人自隨登舟將  
行有新安二賈客懇附舟師曰此有緣人許諾揚帆  
甚駛問日中乎曰中矣命作飯飯二客復出襯錢授  
之因禮十方諸佛曰我欲歸海衆驚曰今已在海中

復何歸曰我幼聞解脫菩薩臨命終時戒其弟子分  
身爲三一施鳥獸一施魚鼈一施螻蟻我今亦爾衆  
哀號牽挽師出一紙投客卽解脫菩薩語也曰汝爲  
我禮佛衆皆拜師一躍入海衆欲收帆援師師端坐  
水浪上揺手曰帆一下汝曹皆覆矣須臾白雲黃霧  
擁師而去此萬曆庚戌十月二十五日也老道人歸  
言之廣陵人廣陵人言之師弟子覺印印悲涕言之  
余爲具其大略如此師嘗過雲間遇余頗見許又再  
訪余於余山中師貌不踰中人面額多皺摺語言精






簡望而知其爲枯木寒灰人也末路透脫游戲清淨  
海中殆古者杯渡卮子之流歟


李公子傳

李公子者父泌爲鄴侯侯旣老謝事辟穀公子宜襲  
侯封不願侯願就詞制科時肅宗新復兩京以兩京  
賦試進士御泰清殿親臨焉公子立就萬言未嘗加  
點賦上上方午膳輟樂讀之愛其美也袖入宮中擢  
第一人公子方十九眉目清映紫衣白馬宛如神仙  
上一見大喜謂侍臣曰鄴侯宣勞再造邦國曾不得  
剖粒自飽今其子曰不願侯授官宜與侯等以集賢  
學士授之公子謝曰臣實不敢當此但乞告身一通




陶翁公先生集 卷之四十一  
三十一  
便宜山水間縣伯不得追呼足矣天子奇之御寫勅  
札并賜宮嬪兩人一以掌書一以煖酒郭汾陽有女  
曰清明君者有殊色喜讀離騷及陶謝詩嘗刪詩去  
其鄭衛者手錄一卷日批註閨房中以一小室廟祀  
舜二妃配享以魯共伯之母及黔婁之妻春秋祭之  
以文其高閒如此汾陽王難其配一日以李兩京賦  
視之慨然嘆息曰可矣既歸李李年少諳浪不能定  
情醉時微以謔語侵清明君清明君不悅見李謝過  
乃笑曰妾之天性洒洒藝文固其所長若欲濡首酒

杯從公嘖笑間乞煖熟所謂邊豆之事則有司存無  
已願以黃金千斤爲公子置妾數百以任恣討汾陽  
王聞之遣人分馳四方四方女子有奇色以詩名顯  
者搜括幾盡而其中曰纖纖曰白娟曰春蕙曰鷺翻  
曰紅艸曰暈兒曰綠絲曰碎桃皆骨柔氣清熟於古  
文奇字而纖纖善箏白娟善歌春蕙善鑿古器善笙  
鷺翻善丹青紅草善彈鳥及鼓琴暈兒善嘯綠絲碎  
桃善種花花經兩人手無不活又善騎馬公子樂之  
日夜飲酒酒必以詩詩成諸美人起而和歌歌無不



陔餘叢考卷之四十一  
聲其他脩竹清泉細簾嘉樹月出之時烏啼絃亂相  
與牽衣袍袖紅白低迷起視草頭蕉葉之上大都墨  
漬酒痕而已清明君每候山果初熟則遣美人捧進  
公子或讀古書有奇事可喜者以絲線識之則遣美  
人捧進公子或成新篇或偶得一二佳句不忍獨賞  
則遣美人捧進公子故美人人人得親公子也而清  
明君當酒半嘗乘紫帷小車臨焉公子率纖纖以下  
彈箏鼓瑟曼謳長歌次第上壽酒已則各以平日所  
賦詩獻清明君清明君焚香緩坐細加品題稍不安

者爲改點數字每點一字輒以一觴罰公子曰汝老  
於詩者也不爲美人更之乃含糊作影子過耶是必  
容香火情諸美人皆笑曰善誠如夫人言是宜罰如  
此者連罰數觴公子竟醉矣公子游於蘇時有新進  
士四五羣選名妓浮於荷花蕩中進士本措大骨驟  
得此足高志揚公子更布衣坐小舡中往來覩之有  
進士呼曰是小船中秀才何爲者汝能飲酒乎曰能  
能賦詩乎曰能曰若是汝且過我公子岸然據其上  
坐執酒卮睽視雲霄不爲禮諸進士以爲狂生也俟



其酒乾欲以詩困之及分韻公子謝不能曰頃故以  
謾語誑君一杯酒耳實不曉詩爲何物衆進士顧諸  
妓大笑曰吾故料奴未必諳此吾輩且自作詩許久  
沉吟不成語語出又村鄙可笑者公子唾曰此馬糞  
小兒強硬舌本作號嘍耳烏足驚大人聽諸進士皆  
大笑轉以爲狂生也而頃之公子樓船適至鼓吹大  
作公子呼進士諸妓過船羅列食案酒壘皆以五色  
寶玉明珠翠羽雕鏤裝綴之奇豔特甚公子見之斥  
曰何乃陳此俗物亟投湖中已命更席則陶觴瓦器

無非三代之物最近者亦秦漢銅器隔簾作樂曲譜  
皆內調及公子新詩人間無聞者進士目視不敢問  
使諸妓跪而請詩欲因詩尾得公子姓名已知其爲  
公子也皆紛紛向前奪詩公子令曰汝輩且置酒於  
此酒冷而詩不成者罰我詩成而酒熱者罰汝往往  
酒未及温已搖筆滿紙矣紙盡無可奈何則裂白絹  
絹盡則裂帷幕屏褥之類又盡則各剪裙葉或絕長  
裙以進所得片言隻字如獲奇寶貼身藏之諸進士  
誘之以酒多半竊去妓有啼者公子以爲可憐也曰



西晉公先生集 卷之四十一 四十一  
汝輩肯從李郎去耶吾有別院在湖山之上門前朱  
樓一帶覆以垂楊松篁中粉牆紅榭高臺短橋宜雪  
宜月四面遠以梅花五六十里深秋之際丹楓萬株  
擁若霞氣又有高臺數楹其正中以奉藏經其四旁  
以貯古今異書左有酒庫凡天下名酒無不藏右有  
泉庫凡天下名泉無不具若此者可以休汝矣諸妓  
唯唯乃盡從公子歸公子悉召酒人劍客高僧道士  
曉夜酣歌浮沉此中賦詩之暇非細談釋部則酬論  
兵符燭盡酒空醉而後已賓客既散時與綠絲碎桃


高裝駿馬踏入深山中過平原易地着鞭奪路拋空  
如飛樹叢中聞鳥聲則命紅草彈鳥偶不中皆拍手  
齊笑浮以半觴轉入幽險處美人車不得渡攀蘿挽  
石欲上欲下笑啼襍出忽到荒岡崇嶺之上暈兒清  
嘯一聲木葉翔舞裙裾飄脫步立不定公子懼其傷  
也乃徐返焉天下聞公子名饑寒之士輻輳集至候  
其將歸皆蒲伏道左叩頭大呼曰非公子無以活我  
公子轉盼間賞勞多徧日費千金無幾微顏色一日  
就中有執公子衣者曰願辟人臣有言曰公子不憶



於陵時乎君所謂於陵仲子者也上帝憐汝貞苦故  
今日置汝李家涉獵世味清明君卽向時辟繡夫人  
耳夫日之光有短長月之魄有盈昃人之福有往還  
公子宜早訣且汝父鄴侯婦翁汾陽王皆爲清微天  
帝君待汝夫婦久矣言迄不見公子大悟以家產萬  
億計悉散之與清明君入洞庭石公山脩道不知所  
終後陸贄之華亭見公子嘗往來三泖中云

夢鶴張公傳

公諱大綸字仲仁雙鶴先生季子也先生夢東坡貽  
以雙鶴遂署爲號公亦繼之示不忘先志也公十六  
而孤家多外侮卽能挺身白諸官擒叛奴寘之法倜  
儻任事諸兄皆賴之世業得以不墮公少工帖括受  
知於郡伯柳公縣令聶公每試輒冠軍食餼於黌一  
時名彥皆樂與公遊公亦嚴於取友非其同志同調  
往往割席去雙鶴翁淹通博雅爲五經庫貽書萬卷  
俱以授公所居爲勝國楊廉夫草玄故址花竹幽蒨



圖史樽彝充牣公暇則集諸名流課業其內流連觴詠竟日忘歸間取古今法書名画相共評騭入公室者比於蘭臺之聚借公遊者如坐德星之亭俗儉佷流不待相拒自望望然遁跡矣公席先世之業弱冠卽旗鼓詞壇意氣邁上自期許亦甚大而厄於一薦至十應京兆試終不售硯席故交如方學憲唐學士楊宮諭馮司成董宗伯輩前後俱取巍科著作銅龍石渠之間而公白首窮經守諸生如故益憤懣無所發舒輦轂知交有勸公挾策槐市者公謝不應而自

以家傳易學啓發後昆任孫元復藉公教以捷南闈其他質疑問難者繙帷之林往往成市而公雄飛之志終未獲一伸也公嘗服余早謝經生以爲有先見達識余亦以委命順運時時効韋弦之規而公意念終不釋然晚年偶以鼠輩涉訟爲橫尉所辱遂佗佗恙恨而卒卒之日郡中少雋爲公發憤叫冤者千百成羣幾飛庶女之霜諸貴交在遠者皆爲位以哭遍告當事無妄始得直而公已不可起矣余嘗嘆公才器如于將莫邪乃不使之陸斷犀兕水剽蛟龍而妄



加屈折似造物者有意挫之然其懿行姱節宗族鄉  
黨舉無間言則猶足豔述也公以幼廢蓼莪雅敦行  
葦之愛兄草玄早逝則撫其子并及其孫養仲兄圖  
南少南終身歿則殯之他如贍伯贍姊宗黨內外俱  
倚以舉火又能却外家數千金之裝歸其嗣子貧交  
緩急往往焚券不責償貴家失勢之日以侵產來歸  
竟拒不受此其人豈第骯髒豪舉以文章自雄者耶  
若其先世代有隱德自封御史以樂善著稱憲副公  
以平蠻紀烈兩山公發粟賑荒動以千計孝感啼烏


載在卷冊再傳爲公父雙鶴先生益以慷慨好誼顯  
徐夷之亂自鄉凋流徙入郭者公爲蓋宇棲之風雨  
饑寒皆有依泊頌聲載塗公又繼志述事久負長者  
賢聲而壯志修途橫遭困抑人皆以爲無天余則嘗  
徵諸易矣易曰繼之者善也成之者性也張氏弓冶  
堂構皆以善爲宗亦繇其子孫繩繩咸率我天性耳  
譬之老農使業於子孫而指其種曰嘉種也播植旣  
深風雨時若則蓬蓬勃勃自有食其稔者詎可從旦  
夕間課獲哉公不幸爲當門之蘭而其後人必且爲





苗庭之軼蓋其家訓家學淵源所從來固不翅遠矣  
白石樵曰余束髮卽與公交見其人慨然魁傑也而  
雅韻玄心則又居然竹林之伴公於舊交貴顯者無  
所依阿落落自行其志而雅好余之孤狷野僻可以  
知其意向所在矣公失雙鶴公時一孱然孤童耳身  
爲名碩復以經術啓後賀琛門業久而愈光穎里星  
文聚而成彩晚雖坎壈有默助之伸者矣公長子襄  
城善必稱親而長孫具東英英繼美玉光劍氣將修  
憲副公以來之基而更昌大之天藻雲英行且賁及

黃壤公神何所不豫哉






國家圖書館, NATIONAL CENTRAL LIBRARY, TAIWAN, R.O.C.

陸軍公報 卷六十四






國立中央圖書館, NATIONAL CENTRAL LIBRARY, TAIWAN, R.O.C.



國立中央圖書館, NATIONAL CENTRAL LIBRARY, TAIWAN, R.O.C.





陳眉公先生全集卷之四十二

傳

漢陽守雪居孫公傳 忠節合樸黨公傳

閑閑桑者傳 趙逸人跣化傳


端惠先生傳 孔肩鄭公傳

子深朱公傳 陶白章公傳


大中丞蓋菴趙公傳 叅政魯源楊公傳

肖蒲姜公傳 豐城熊太公傳

武陵中行楊公傳 雲竹顧封公傳



7466114 v.11



鄔陵誠甫鄭太公傳



友人宋徵璧  
讓木甫較梓

陳眉公先生全集卷之四十二

華亭陳繼儒仲醇父著


男夢蓮古澹父

夢草山賢父

孫仙覺天爽父全纂

漢陽守雪居孫公傳

公諱克弘字允執號雪居先世汴之杞縣人有靖菴  
先生者隨蹕南渡居武林延祐初伯英舉鄉試後辟  
行省爲迪功郎上饒縣錄事歸築映雪齋於西湖之



陽春先生集 卷之四十一  
上元末浙東大亂因遷於松子昂夫習春秋洪武初  
官武昌同知凡數傳而至延平守雪岑公雪岑生大  
宗伯諡文簡毅齋公文簡三典文衡新鄭高相國拱  
婁江三司寇世貞新安汪司馬道昆皆出其門宗伯  
得公最晚恣愛之自少有器量以門蔭授應天治中  
署上元邑篆號稱清謹擢漢陽太守當衡王之國水  
陸芻牛凡供帳厨傳皆出公部署甚整而暇臺察倚  
重之擬咨斬黃兵使者會公遣書高新鄭道逢徐太  
常僕遂與俱入都而新鄭方脩華亭故郊捕徐僕省

臣韓楫劾太常波及公而公免歸公自此無復仕進  
意遂於東郊故居築精舍輦奇石置庭除環列鼎彝  
金石法書名畫摩挲其中滌除酒掃屏榻如鑿客至  
命張具鼓吹遞作童子按院本新聲間舞後狻及角  
觥之戲人以爲安陵食輞川庄不是過也公旣以豪  
聞江東而又坦直無他腸四方客輻輳進稍挾片藝  
者公居停之推轂之甚則解衣授食使得所而後去  
故人疏族一遇之以誠款洽餽遺老而不倦嘗笑曰  
坐上客常滿樽中酒不空僕於魯南子差無愧色公






性巧慧喜摹古卽一椽一木一石往往曲折多  
位置所居有聽雨軒東阜雪堂敦復堂赤霞閣期仙  
磴老圃茅齋夜雪其四壁皆寫畫蒼松古柏崩浪流  
泉使人凜然不凄而寒有澄泓蕭瑟之意客退就明  
窓棊几間或臨古畫或抄異書有挑以俗事及家人  
生產者掩耳瞪目若將挽焉公正書做宋仲溫隸篆  
追宗秦漢初寫徐熙趙昌花鳥晚年畫馬遠水米南  
宮父子雲山遠近于詩無虛日人有贗貌公筆以衣  
食者無數當路懸購十不得一真率采聲而已公聲

音洪暢狀貌疎野居恒好着民間平頭帽翦綴小金  
瓶又好寫笠屐小象彷彿皆晉唐遺風非近代以下  
人物也漢陽蕭象林爲平湖令與公無生平交延慕  
篤摯公感其高義送候之蕭虛左如執弟子禮及其  
歿也匍匐風雨中拜之於墓楊脩齡侍御來按吳表  
公墓曰暎徹九泉其爲人仰止如此公無疾而逝年  
七十有九子一名昌福補廕未仕而夭擇族之後曰  
世彝華亭邑諸生葬公細林山之陽


陳子曰文簡公官大宗伯三典試門生半天下其所



遺僅僅負郭屋一區确田六百畝耳公自少逮老賓  
客聲酒之費垂八十猶未衰止而能保有文簡公遺  
業不失尺寸何也蓋亦有德矩寓焉今世家子喜狎  
非類不知何者爲名士轟飲大嚼不知何者爲名畫  
法書彈指流盼之間涸若驟雨崩若潰牆而身名與  
草木俱腐矣風流儒雅是吾師舍漢陽公吾誰與歸

忠節良鄉令含樸黨公傳

良鄉令黨公諱還醇字子真號含樸三原人也父新  
莊翁產僅埒中人而輕財好施折券不責報以孝友  
篤行推鄉飲賓舉四丈夫子公其仲也公豐頤偉軀  
堂堂具大人相而不失赤子心少文多質務依於醇  
謹寬厚間有灸轂智囊之士挑之機利佞巧公直謂  
天壤間無此事亦無此人穆然靖深莫可涯涘而識  
者固已心重之矣未幾出宰良鄉待士民有惠政尤  
畱心於干墾往往輟食而嘆抱杞發之憂曾未兩越



月奴酋犯良鄉公勵兵堅守力竭援絕遂死之奴退  
老稚求其屍於橫草中身被數創赤身面縛怒氣勃  
勃如生見者皆爲洒泣而檢焉 上聞 賜卹贈加  
等於是黨公之忠義震天下而史臣傳則尚有待也  
初己巳八月公之座師侯公恪以南祭酒出都門門  
生三四輩祖帳於盧溝橋侯公下車步行執門生手  
而祝之曰但願諸君子爲好人不願諸君子爲好官  
一時嘆服稱善而君獨於別後諷誦不去口慨然若  
有味於其言者而孰意公之不悖師訓卽死節於數

武良鄉間也余嘗見士大夫讀書每當古人忠孝節  
義事鬚眉奮張目皆盡裂恨不擲七尺而從之及遇  
髮許小利害則智巧萌生規避百出况嬰城於呼吸  
死生之頃怯者走狡者降誰復有見危授命如黨公  
其人乎壯哉公也其愚不可及也張睢陽生猶罵賊  
嚼齒露齦顏平原死不忘君握拳透瓜方之黨公何  
以讓諸侍御載寧張公痛公之忠魂義魄日遠日忘  
乃手書死難大略徵予記且集朝野哀輓之章彙成  
一冊俟公之子長而授之冥冥之中載寧亦可以謝



死友矣昔黨公屬載寧轉乞陳子爲尊公立傳儒亦  
公九原一知己也張公不忍浮沈借此以代徐君桂  
墓之劔忠臣義士竝當特書史冊以揭爲人臣爲人  
友者之榜樣故不辭衰老而傳之如此


閑閑桑者傳

陸瓚字季璋號環溪耕桑山澤間因自稱閑閑桑者  
家世錢塘人少有慧性屬對如響同學生啖以果餌  
倩代之塾師覺而異焉九歲父捐館門戶單弱父從  
塾師歸佐兩兄握算明若秋霜傭係雜作心憚之兩  
兄倚如左右手十五傭以他疾死羣不逞孩視公釀  
爲訟公直之公庭事得挺稍長習舉子過目成誦數  
數有師心之語旁及陰陽醫卜稗官雜家靡不該覽  
卽丙夜猶未假寢其母彌留時誠兩兄曰慎勿以養



鹽困兒比持喪墨毀骨見衣表弔者過而傷之娶婦  
得沈氏析箸產瘡又丁凶年臥病三載餘至不能蠕  
屈自分無活理忽一夕夢謁大帝庭有高冠玄衣者  
下尺一拊慰公公伏而思是殆玉樞師相也驚寤遂  
有起色力疾具楚裝禮太和已浮海禮補陀洛伽而  
歸自此謝子衿書游燕嘗墮馬幾折肱渡黃河牽挽  
小艇身踣泥潦中將陷大澤賴一人指迷從東行望  
見橋脊忽忽始得達其人俄不見又嘗夜卧曝然起  
移榻尋丈間驟雨潰牆適排壓寢處幸無恙公屢有

天幸又能善視四方貴賤羸縮之徵轉輸漸饒遂以  
胙書授三子仲季之遇之遠補邑諸生試高等文行  
競爽不減雲間二陸而伯子之選游成均絃誦斌斌  
矣公治家嗃嗃每談說生平艱苦狀輦蹙涕下屈指  
某事某友某飲食寢處言動近者可日計月計遠者  
可數十年計歷歷如在目前使人慨然若撫其會反  
覆書史故實首尾顛末一一拈向人彊記博聞雖老  
師宿儒不能傲之以其所不知也爲人清癯有壇宇  
剛介方嚴持論不少下亦不肯腹藏人過人諒其無




他腸退而罕有怨言者故人死公孳息餘財授遺孤  
藉以存活貿絲者畀以金踰其值公追而歸之葬旅  
襯羈孤貧病賜藥貧賜樸以至橋梁道路之屬爲德  
不勝紀兄有子之超之越藐孤也公護之如頭目課  
之如已子超越之言曰吾讀蔡中郎邕早喪二親年  
踰三十鬢髮二色叔父視之親若幼童車則對坐食  
則比肩我思古人若爲豫設馬伏波一情不易鄧伯  
道更踰所生其我仲父之謂乎公垂艾敏步健噉性  
不喜引導獨耽視典籍尤篤信老氏古先生之言濁  
酒枯菘老而忘倦余嘗艤舟武林北關內得與公游  
園林間寂門無雜賓四園桑柘不種雜花余笑曰是  
得無閑閑桑者盤薄處乎退而草傳一通以授之史  
曰六十可以傳矣




趙逸人跏化傳

真經世者方能出世真出世者方能經世吾聞其語  
未見其人頃讀平谷令趙公跏化傳而異之公諱思  
睿字作之爲諸生號微升司訓曹州號儒壇拜平谷  
令號馭黎晚年解縣印歸田號逸人享年七十有五  
子三曰際昌曰翼昌曰運昌際昌登萬曆壬子榜文  
行烜赫海內所推爲夢日先生者也公束髮受書風  
雨藎鹽屏跡蕭寺古廟中吟唔不輟聲屢試高等里  
選明經一振鐸於曹州出方略以消倉卒之強寇再



鳴琴於平谷儲兵餉以應驛駱之軍興已而解綬拂  
衣收綸罷釣居然儒者高蹈矣生平以孝悌忠信禮  
義廉恥自砥卽以此教子教士教民不聞佞佛也而  
跣化從容雖白頭尊宿久向茆茨石室中坐破數十  
年蒲團煏過數十石折脚鐺飯豈能撒手自知公何  
脩而得此哉容曰公貞確嚴潔味不甘口脅不帖席  
七十年如一日則滴水滴凍之苦行也子婿門生則  
道伴也發蔀擊蒙使北面負牆而請教者拔高等擢  
危科則上堂說法也學署一窰斗大一邑則禪坊律

院也調御獮盜狡夷則魔軍也言動不苟聲實流聞  
則忍辱鎧精進幢也著述咏歌則阿含小品也此公  
之所以談笑跣化如屈伸臂頃而無難色也吾聞公  
已已臘月朔言笑如恒時越三日而辟穀矣越五日  
置酒別太君并元配子女輩歌聲琅琅若金石矣又  
三日肅列香几謝天謝家廟矣越三日整衣冠端坐  
先焚肩輿次焚衣履預示死期矣十九日之夕呼諸  
子受遺命全跣跌西向而逝矣嘻異哉余謂公深得  
儒者之家法此正教非浮屠氏教也昔朱晦翁易簣







端惠先生傳

端惠先生姓陸諱基厚字載卿號華嶽浙平湖人也  
 陸之先自忠宣公贊至宋而爲樞密副使旋吉六世  
 孫正義不仕元諡靖憲先生子應奇應奇子士賢士  
 賢子宗秀 仁廟以才徵陛見應對稱旨賚金綺歸  
 捐粟賑飢璽書以尚義表宅號爲尚義支遂望平湖  
 矣樂後生鴻臚公瀛工文辭家貧教子家所傳祝辭  
 其言甚楚瀛生夢豹老於諸生娶曹氏舉公公六齡  
 舉體多異自叅上流稍長捉筆千言莊簡公一見而



國立中央圖書館 國家圖書館 NATIONAL CENTRAL LIBRARY, TAIWAN, R.O.C.

陳希公先生集 卷之四十一  
許之曰孰是兒也而具大人相大人志乃爾耶陸氏  
世不乏機雲矣旋補博士弟子員杜門却軌沉酣六  
藝百家言而尤粹於經術視一第直屈伸臂項家雖  
貧配 孺人能節縮佐讀調甘上食於兩尊人凡一  
切乾啼濕哭飢噉飽喜公掩耳若不聞屢試屢蹶而  
筆端之鬱鬱葱葱胸中之浩浩落落如故也嘗摩幼  
與頂笑曰鵝兒鳳雛幾且破殼而出豈復效而翁僕  
僕與雞鶩索鬪乎手授經史爲講求異同村雞三號  
燈光耿耿猶在東壁間已復引古人忠孝大節發皇

而聳動之談笑唏噓慨然若撫其會幼與戊午舉於  
鄉已未成進士當魏璫盜弄國枋薙獵強項忠義臣  
無遺種而公方在工曹子舍中目語幼與曰盍歸乎  
不去禍且移國餘波羶而及人幼與唯唯假差奉公  
驅出關越明年肘腋廓清大憝伏法公浮白引滿呼  
幼與曰往時危孳兒還我今時平孳兒還之 主上  
活堯舜出世羸糧躍馬惟恐後時無牽衣作索乳態  
幼與強而北俄出守常州而公不及待矣公壯貌  
岸偉瑣字方嚴造次逡巡必依於儀軌軒軒以豪傑

